



Republika e Kosovës
Republika Kosovo / Republic of Kosovo
Kuvendi i Komunës Rahovec
Opština Skupština Rahovac/Municipality of Rahovec

RAHOVEC / ORAHOVAC

Njësia Nr./Br./No 01 (Kuvendi i Komunës)
Nr./Br./No 1/53 Nr. i faq./Br.str/No.pg 23
Data/Datum/Date 30 / 03 / 2020



PROCESVERBAL

Nga mbledhja e rregullt e Kuvendit Komunal të Rahovecit, e mbajtur më 28.02.2020, me fillim në ora 10:00. Mbledhjen e kryesoi: Kryesuesi i Kuvendit z. Afrim Dina. Konstatohet se kuorum, për mbajtjen e mbledhjes kemi:

Kryesuesi – Fillimisht më lejoni t'iu përshëndes, i nderuar Kryetar i Komunës z. Smajl Latifi, nënkryetar i Komunës z. Fatmir Iska, të nderuar kuvendarë, drejtor të drejtorive Komunale, përfaqësues të OSBE-së, KFOR-it, media, dhe ju gjithë të pranishëm!

Të nderuar kolegë kuvendarë, fillimisht para se fillojmë me rendin e ditës, kërkoj falje për materialin e pikës së nëntë(9), e cila ka qenë Draft Rregullorja Komunale, e cila si material ju ka ardhë me vonesë, është bërë përpjekje e vazhdueshme që 3 javë për ta rregulluar materialin, pra edhe njëherë ju kërkoj falje për vonesën e materialit për pikën e nëntë.

Për këtë mbledhje sot propozojmë këtë :

REND DITE

1. Aprovimi i Procesverbalit nga mbledhja e kaluar,
2. Pyetjet dhe përgjigjet në pyetjet e kuvendarëve,
3. Shqyrtimi dhe aprovimi i propozim vendimit të Marrëveshjes së bashkëpunimit ndërmjet Komunës së Rahovecit dhe Bashkisë së Vlorës të Republikës së Shqipërisë,
4. Shqyrtimi dhe aprovimi i propozim vendimit të Marrëveshjes së bashkëpunimit ndërmjet Komunës së Rahovecit dhe Komunës Civita të Republikës së Shqipërisë,
5. Shqyrtimi dhe aprovimi i propozim vendimit të Marrëveshjes së bashkëpunimit ndërmjet Komunës së Rahovecit dhe Komunës Frascineto të Republikës së Shqipërisë,
6. Shqyrtimi dhe aprovimi i propozim vendimit të Memorandum mirëkuptimit për mbulimin e pjesëshem të shpenzimeve të strehimores „Shtëpia e sigurte“, për periudhën 3 (Tre) vjeçare 2020-2022,
7. Shqyrtimi i Planit të Prokurimit për vitin 2020,
8. Shqyrtimi dhe aprovimi i plotësim ndryshimit të vendimit të datës 16.02.2018 për themelimin e Këshillit Komunal për Siguri në Bashkësi,
9. Shqyrtimi dhe aprovimi i propozim vendimit për vënien në debat publik të Draft Rregullores për Taksa Komunale,
10. Raporti vjetor i Komandantit të stacionit policor për vitin 2019-Rahovec.

Kryesuesi- Te nderuar kuvendarë, a jeni për këtë rendë dite. Konstatohet se unanimisht aprovohet rendi i ditës. Kalojmë në pikën e parë të rendit të ditës:

1. Aprovimi i Procesverbalit nga mbledhja e kaluar.

A ka dikush diçka rreth Procesverbalit, nëse nuk ka atëherë e qesim në votim. Konstatohet se unanimisht aprovohet pika e parë e rendit të ditës. Kalojmë në pikën e dytë të rendit të ditës:

2. Pyetjet dhe përgjigjet në pyetjet e kuvendarëve.

Masar Popaj – Përshëndetje kryetar, kryesues, nënkryetar, drejtor, kolegë deputetë dhe gjithë ju të pranishëm. Pyetja ime ka të bëjë me rrugën katër korsi Rahovec-Xerxe që pritet se shpejti të fillojë punimet, ku para disa ditë ka pasur edhe protesta nga një grupe banorësh të fshatit Fortesë të cilët janë kundër ndërtimit të kësaj rruge dhe është në interes të na informoni në lidhje me këtë çështje se si ka rrjedhur situata dhe pse ka ardhur deri te protesta e qytetareve. Edhe një pyetje në lidhje me këtë temë nëse me lejohet, pasi kemi të bëjmë me një projekt voluminoz, po ju pyes se a ka staf profesional që ta mbikëqyr për këtë projekt komuna jonë.

Ali Zhuniqi – Përshëndetje kryesues dhe ju gjithë anëtarë të Kuvendit. Në fakt tash me duhet të ndërlidhem edhe me Masarin me rrugën katër korsi. Me iniciativën e qytetareve kryesisht të fshatit Fortesë dhe një pjesë e qytetarëve të Rahovecit kanë shprehur qëndrimet e tyre në lidhje me rrugën katër korsi dhe shqetësimet e tyre karshi këtij projekti, për arsye se një projekt i tillë nuk është dalë në debate publik në mënyrë që të shtjellohen të gjitha rrethanat edhe shqetësimet e banoreve konkretisht pas takimit me kryetarin, një pjesë banoreve kanë marrë premtim se nëse eventualisht projekti nuk mundet me u anulua komplet, të gjendet një modalitet i cili do të ishte në shërbim të qytetarëve, në mënyrë që të mos dëmtohen se paku bizneset që gjenden përreth dhe të gjendet një formë pavarësisht se ka aty prona që janë publike edhe me ligj i lejohej që projekti të fillojë me u realizua por së paku të gjendet një lloj modaliteti në këtë aspekt në mënyrë që edhe kryetari meqenëse ju ka dhënë premtimin dhe une po besoj që ka me mbajtur atë premtim që qytetarët mos me dalë të zhgënjyer në këtë projekt, në të kundërtën ne do të marrim hapa që me kërkuar çasje në projekt duke respektuar normalisht ligjin për çasje në dokumente zyrtare edhe si problem nëse nuk merren parasysh shqetësimet e banoreve atëherë ne do të gjejmë rrugë institucionale që të bisedojmë edhe me Ministrin e Infrastrukturës Lumnir Abdixhiku. Pyetja e dytë, e dimë se vitin e kaluar, e kemi një draft rregullore për realizimin e të drejtave të fëmijëve, dua të di me tepër se çka është bërë në lidhje me këtë draft rregullore, për arsye se në njërin prej pikave të draft rregullores neni 4, pika 2 thotë se Komuna përgatitë plan vjetor për financimin përkatës për zhvillimin dhe mirëmbajtjen e shërbimeve për mbrojtjen e fëmijëve, në ndërkohë ne posedojmë informacione se është ushtrua dhunë ndaj fëmijës në një shkollë në Rahovec, dhe nëse është e vërtetë ftojë drejtorin që të na sqarojë në lidhje me këtë situatë edhe cili është çasja e tij karshi këtij problemi. Dhe pyetja e tretë ka të bëjë me krijimin e një komisioni para një viti me Komitetin konsultativ i cili në bazë të atij komiteti, kryetari dhe kryesuesi i kuvendit ka për detyrë që në baza vjetore të i raportoj kuvendit në lidhje me këtë këshill nëse ka mundësi me na tregue se në cilën fazë është ky këshill. Faleminderit

Kryesuesi – Faleminderit z.Zhuniqi, nëse e keni fjalën për komitetin konsultativ nuk ka mundur të formohet për shkak të dështimit se nuk kanë konkurruar nëse e ke fjalën për atë komitet të shërbimeve publike, për shkak të konkursit që nuk kanë konkurruar aplikuesit, pra nuk është formuar ai komision për shkak të dështimit të konkursit, pasi është dashtë me kon se paku 7 aplikues. Faleminderit shumë!

Ali Morina – Faleminderit kryesues, i nderuar kryetar, drejtor të drejtorive, të nderuar kolegë asamblistë, të dashtun nxënës për prezencën në sallë, përfaqësues të KFOR-it. Unë po dua me plotësua pak kolegun Ali, tek pika e Komitetit që e kemi formuar edhe një komitet konsultativ për persona me nevoja të veçanta. Pjesa tjetër, unë me shumë kam një komente rreth projektit të tregut të rrushit, vërtet unë para disa viteve kam qenë

skeptik se çka po ndodhë me këtë projektë pasi ka zgjatur goxha shumë dhe deri me tani nuk është pae diqka konkrete, tashme drejtori Duraku për të cilin e falënderoj shumë dhe e përgëzoj për punën që e ka bërë, vërtet ai tregë ka fillua të merr pamjen që duhet të ketë një tregë. Unë uroj dhe shpresoj që fermerët, vreshtarët e komunës së Rahovecit ta shfrytëzojnë drejtë për qëllimet për të cilën është destinuar dhe të mos ushtrojnë veprimtarinë apo shitjen e produkteve të tyre përgjatë rrugës. Faleminderit

Hanalora Hoti – Faleminderit kryesues, përshëndetje për të gjithë të pranishmit, unë deshta të ja parashtroj një pyetje drejtorit të bujqësisë në lidhje me formimin e komisioneve për verifikimin e mekanizmave bujqësorë që u janë shpërndarë bujqve të komunës tonë, kemi pa dhe e kemi ndëgjua se kishte ankesa për keqpërdorime, a janë verifikua këto raste edhe a është ndërmarrë ndonjë masë ligjore drejt tyre.

Besa Bytyqi – Faleminderit kryesues, të nderuar të pranishëm, unë në kongresin kombëtar të të rinjëve, pjesë e të cilëve kanë qenë edhe të rinjtë nga komuna jonë kanë dalë disa rekomandime që kanë të bëjnë me kuvendin komunal dhe me ekzekutivin respektivisht me drejtorin e Arsimit, Kulturës Rinisë dhe Sportit. Kërkesat që do ti paraqes tani, uroj që të merren parasysh dhe këto janë disa nga kërkesat të cilat i kemi parë si me të rëndësishme pra të rinjtë kanë kërkuar krijimin e një kodi buxhetorë për të rinjtë, krijimin e një grupi joformal të asamblistëve të rinj, hartimi dhe rishikimi i planit të veprimit për Rini dhe themelimi i komiteteve konsultative për Rini. Të gjitha këto kërkesa janë të paraqitura në kongresin kombëtar të të rinjëve që mbahet çdo vitë dhe janë pjesëmarrës edhe rinjtë edhe nga Rahoveci edhe nga e gjithë Kosova. Ndërsa në një takim tjetër që është mbajtur në kuadër të këtij, në SHL- Kosova, disa nga të rinjtë gjimnazistët „Xhelal Hajda-Toni, kanë paraqitur disa probleme të tyre dhe njëra nga këto probleme është mosnjohja e punës praktike dhe vullnetare, trajtimi me seriozitet i kërkesave që i kanë Rinia, orët bllok të tej zgjatura këto janë sidomos te drejtorja e Arsimit kanë kërkuar edhe byfe në shkollë, mungesë të laboratorëve, mungesën e mësimdhënësve në orët e mësimi e kanë paraparë si problem, nyjet sanitare dhe uniformat e mësimdhënësve. Të gjitha këto kërkesa do ti dërgoj te drejtoritë përkatëse mirëpo tani dua të marr ndonjë informacion se çka do të bëjnë drejtorët lidhur me këto kërkesa të rinisë. t

Shqipe Kryeziu – Përshëndetje për të gjithë. Në konkursin e fundit që është shpallur nga Komuna me numër 259 dhe 260 për marrëveshje për shërbime të veçanta, cili është shërbimi, produkti apo rezultati me arrite nga ajo që kemi parë në këtë formë të punësimit siç e keni quajtur ju, është vazhdim i abuzimit të parasë publike për të kënaqë apetitet politike. Këtë e vërteton fakti që juve nuk e keni respektuar asnjë procedurë pasi ka pasur shkelje elementare, së nuk është respektua asnjë afatë pasi shpallja është bërë një ditë para përfundimit të mbylljes. Konkursi kinse është shpallur me datën 31.01.2020 kurse në faqen zyrtare të komunës konkursi është shpallur me 04.02.2020. Dhe pyetja tjetër më qenëse drejtori i shëndetësisë nuk qenka këtu, si shqetësim këtë, se këta që janë të punësuar me Caritas njëjtë vitin e kaluar 2019 nuk e kanë marrë pagën e Janarit kurse përsëri për këtë vit si lloje shqetësimi e kanë paraqitur që përsëri nuk e marrin, a ju ka bo drejtorit si shprehi mos me i pagua apo është me ligje. Faleminderit

Rukije Krasniqi – Faleminderit kryesues, përshëndetje për kryetarin dhe gjithë të pranishmit në këtë kuvendë. Pyetja ime i drejtohet drejtorit të QKMF-së, që a ka mundësi me barnat esenciale të dërgohen në QMF-të edhe insulinat më qenëse janë mujore dhe këto të trajtohen në këtë formë sikurse barnat esenciale sepse është kërkesë e pacientëve po ashtu edhe në dhomat e intervenimit në QKMF-të nuk ka material bazik, ampula me të cilat duhet të intervenohet dhe janë momentale por ato vetëm delegohen pacientet të merren në farmaci private. Mendoj që këto elementare duhet të i siguroj disa dhe të jenë të domosdoshme në QKMF-të dhe QMF-të apo AMF-të. Ju faleminderit

Fehmi Cena – Faleminderit kryesues, përshëndetje për juve, kryetarin, drejtorat, kolegë këshilltarë dhe gjithë të pranishmit në këtë sallë. Unë desha me ngritë një çështje që ka të bëjë me rrugën Dëshmorët e Pashtrikut çështje që e kam ngritur edhe herëve tjera vitin e kaluar në këtë sallë. Është fjala për dëmtimet që janë bërë në

këtë rrugë me rastin e kryerjes se projektit ndërtimeve që i ka bërë KED-si me vendosjen e kabllove nëntokësore dhe shtyllave të reja, e kam cekur edhe atëherë janë bërë disa gropa qysh në atë kohë pranë shumë shtyllave edhe ato ende janë pengesë dhe nuk janë rregulluar ende dhe janë pengesë për komunikacion, për kerre, këmbësorë gjithashtu edhe në kuadër të kësaj kam kërkuar një gypa për ujërat atmosferike pasi është një vend aty dhe sa herë bie shi tek lagjja Cena që bëhet me ujë dhe bëhet e pakalueshme. Në fakt unë kësaj here kisha me ja shtua kësaj edhe trotualet për këtë rrugë kryetar sepse kjo është një nga rrugët më të rëndësishme të qytetit edhe kubëzimi dhe rregullimi i kësaj rruge është bërë ka diku mbi 15 vite dhe nuk janë rregulluar trotualet asnjëherë qoftë edhe një metër katror kështu që kërkoj që të futet si projekt në planin e punës së veprimit për këtë vit për qeverinë lokale pra Komunën që të rregullohen trotualet e kësaj rruge edhe bashkë me atë të rregullohet edhe ajo që nuk është rregulluar pra renovimi i atyre gropave dhe i asaj pjese. Faleminderit!

Shqipe Tara – Përshëndetje për të gjithë, unë deshta me ngritë një çështje që e dita e diele të jetë pushim për të gjitha bizneset po ashtu kur janë festat zyrtare edhe bizneset private me pas pushim. Faleminderit

Rasim Fazliu-Faleminderit kryesues, përshëndetje për juve, kryetarin, anëtarët e Kuvendit komunal, përfaqësuesit e LMT-së, OSBE-së, mediave dhe gjithë të pranishmit në sallë. Unë deshta me bo një pyetje praktike, aparatet për fotokopje që janë për shumëzim a i ka kaluar kontrata atyre apo çka ka ndodhur dhe tash institucionet konkretisht shkollat kanë mbetur pa ato dhe deshta me u informua kur do të zëvendësohen ato pasi është koha tani që nxënësit kanë me bo teste edhe shume gjëra tjera pra vetëm këtë si informatë. Faleminderit

Kryetari – Përshëndetje për Kryesuesin e Kuvendit z. Afrim Dina, për këshilltarët e Kuvendit të Komunës, drejtorët e drejtorive, përfaqësuesit e KFOR-it austriak LMT-së, dëshiroj t'i përshëndes nxënësit e shkollës profesionale „Selajdin Mullaabazi-Mici, që kanë ardhë bashkë me profesorëshën e tyre zj.Lumniye, po ashtu prezencën e Komandantit të Stacionit të Policisë në Rahovec z.Fazli Morina, përshëndetje për të gjithë të pranishmit. Do të shkojmë si me radhë, rruga katër korsi Rahovec-Xerxe, këtë pyetje apo këtë shqetësim e ka ngrit z.Masar Popaj dhe z.Ali Zhuniqi.A ka kapacitete komuna e Rahovecit me realizua mbikëqyrjen e një projekti që kushton me shume se 6.5 milion euro e që është kontratë e ndarë në 3 lote ose në 3 segmente pra janë 3 kompani. E para komuna e Rahovecit ka kontratë për mbikëqyrje të jashtme, e dyta mëqenese është rruga e Ministrisë dhe jemi ne si autoritet kontraktues pra financimin e bënë ministria e Infrastrukturës e në këtë rast edhe e Ambientit sepse ka ndryshua edhe emërtimi, kemi ehe monitoruesin e Ministrisë d.m.th. është përfaqësues i specializuar,ekspert i fushës, është departamenti i rrugëve dhe ata bashke me ne e mbikëqyrim rrugën katër korsi. A ka pasur debat publik për rrugën katër korsi? Unë në vitin 2017 kam pasur një program zgjedhor, në të cilin ka pasur zotime, premtime dhe plot pozicione të cilat i kam shprehur publikisht në çdo vendbanim të komunës se Rahovecit në qytete dhe në fshatra, sikurse edhe ne fshatin Fortesë. Pra zotimet apo premtimet të cilat unë i kam paraqitur publikisht ne 2017 si kandidatë për kryetar komune e te cilat janë të shkruara dhe të shpërndara, të gjithë ata që kanë marrë pjesë në aktivitete parazgjedhore bile këto çështje janë proklamua dhe ne debate publike bashke me kolegët e mi për kryetar komune, pra kjo është një etapë e komunikimit me publikun. Unë kam mbajtur dy debate publike si kryetar komune bashkë me ekipin tim edhe ne vitin 2018 edhe ne vitin 2019 për planifikim të buxhetit, ku përsëri janë paraqitur zotimet ose kërkesa jonë për përkrahje nga niveli qendror për projekte kryesore, pra edhe ne Fortesë e kam paraqitur edhe ne Rahovec edhe gjithkund se projektet strategjike që kërkojnë mbështetje nga niveli qendror të financuara nga niveli qendror pra ne mesin e tyre në top listë është rruga katër korsi Rahovec-Xerxe madje edhe zgjerimi i rrugës deri në Suharekë. Unë kam pasur këto ditë një vargë takimesh bashke me drejtorinë e Shërbimeve Publike dhe me inxhinierët e Komunës se Rahovecit ku kemi bërë sqarime, kemi dhënë informacione shitesë dhe kemi dhënë po ashtu edhe shpjegime të caktuara përkitazi me shqetësimet të cilat i kanë ngritur qytetarët e asaj

zone ose atyre zonave ku do të i bien rruga. Kam pritur ne disa takime qytetaret nga Rahoveci po ashtu edhe qytetaret nga Fortesa, ka pasua edhe takime individuale edhe takime të organizuara. Mund të ju them që për 3-4 ditë nga qyteti i Rahovecit dhe nga Fortesa kanë marrë pjesë ja 300 persona në takime të cilat i ka mbajtur drejtoria për shërbime publike, ku ne disa kam qenë edhe unë që kam asistuar po ashtu kam mbajtur edhe unë takime në sallën e mbledhjeve në katin e tretë ku i kam pritur në mënyrë të organizuar një grupe të qytetareve që po ashtu i kanë shprehë shqetësimet e tyre. Rruga katër korsi, i gjithë operacioni i zbatimit të kontratës në rrugën katër korsi zhvillohet në pronë publike. Natyrisht e përmendi edhe z. Zhuniqu unë kam dhënë zotime se do të përpikemi të i evidentojmë ndryshimet brenda projektit, te i miratojmë ndryshimet brenda projektit me qellim që rruga katër korsi të jetë në përputhshmëri me gjendjen faktike në terrene, për ndryshe unë mund të ju themi që ne kemi një situatë interesante pasi kemi 21 parcela që kemi uzurpime të pronës publike, unë i kam edhe me emra të gjithë, gjendja është e incizuar edhe nga gjeodetët tanë por edhe nga hartuesit e projekteve që i kanë pasur gjeodetët e vet por natyrisht e kemi edhe gjeoportalin që është një matës mjaft i saktë i gjendjes siç e kemi në terrene. Ne i kemi dy rrugë, këtë edhe ju kam thënë banoreve edhe do te ju them prapë banoreve të shqetësuar kuptohet që kanë biznese. Ne qoftëse ne dojmë me i zgjedhë opsionin e parë që është ligjshmëri 100% atëherë ne duhet të hyjmë ne situata të cilat natyrisht që mund të jen edhe bllokuese. Në qoftëse ne dojmë me zgjedhë opsionin e përshtatjes se projektit me gjendjen ekzistuese kuptohet pa u futur në prona private atëherë ne kemi mundësi projekti me dalë me standarde të mira por edhe natyrisht edhe me pas çasje për të gjithë. Ne jemi dakorduar që ndryshimet apo shqetësimet të cilat ata i kanë ngritur me të drejtë apo pa të drejtë që është relevante ta themi sot këtu, të i përfillim një për një dhe të krijojmë situatë të qartë se ky projekt duhet të jetë edhe funksional edhe me qasje për të gjithë maksimalisht për të gjithë duke i minimizuar maksimalisht dëmet eventuale që munden me i shkaktua këtu edhe ata që kanë hyrë pak më thellë në pronë publike. Ne e kemi të mundshme me realizua projektin pa i bërë dëme dikujt ndoshta edhe pa i bërë dëme edhe atyre që kanë hyrë në pronë publike. Dikush e ka shprehë shqetësimin siç e shprehu edhe Alia se ne mundemi të shkojmë edhe në Ministri te z. Abdigjiku që është ministër i ri Transportit dhe Ambientit dhe apsolutikisht kjo është e drejtë demokratike por është bukur e vështire me marr përgjigje pozitive kur e kemi situatën që une e kam ne ekran që ju mund ta shihni edhe vet kur e dimë që në viteve 60-ta kemi pasur shpronësime që ka edhe kompensim të pronës publike edhe kur e dimë se paraprakisht të gjithë e kanë ditur që nuk duhet të futet askush në territorin e rrugës rajonale Xerxe- Rahovec. Ne mund të kemi debate të gjatë por unë jam zotuar publikisht edhe para jush zotohem që nuk është qëllimi jonë me dëmtua interesat e qytetareve pavarësisht a kanë të drejtë apo nuk kanë të drejtë ligjore, qëllimi jonë i vetëm është projekti mu realizua edhe ka me u realizua për shkak se ne kemi kontratë, projekti me qenë funksional e jo me qenë frenues e bllokues por me çasje për të gjithë dhe projekti minimalisht mos me i dëmtua madje as interesat e atyre që kanë uzurpuar pra as ata mos me i dëmtua. Në qoftëse vazhdojnë rezistencën një grupe i caktuar i njerëzve pavarësisht se është e drejtë demokratike atëherë ne detyrohemi me hije ne procedura të mirëfillta ligjore dhe unë jam i gatshëm nëse ju e doni opsionin e parë urdhëroj kadastrën dhe gjeodezinë me bo kufizimin e pronës publike, urdhëroj inspektoratin në emër të juajin pra në emër të qytetareve të komunës me i dërgua njoftimet te secili dhe urdhërojmë vet rrënimin e atyre që kanë uzurpuar, ne qoftë se jo atëherë fillon rrënimi i dhunshëm për uzurpimet arbitrare. Edhe ju kam thënë atyre edhe në emër të juajin por edhe ne emër të qytetareve edhe do të ju them prapë që askush nuk është mbi ligjin dhe askush nuk mundet me pengua një realizim të projektit ma të madhe që ka komuna jonë pra projekt infrastrukturorë po flasim prej 6.5 milion euro. Pra bëhet fjalë jo për inicim të procedurave të prokurimit por bëhet fjalë për një kontratë e cila është nënshkruar me datën 24.12.2019, mjetet janë të planifikuara dhe nuk ka asnjë arsye dikush me u shqetësua që rruga ka me qenë bllokuese, as qytetaret e Forteses e as qytetaret e Rahovecit për shkak se ne bashke me inxhinieret tanë edhe të Komunës, bashkë me drejtorinë për shërbime publike, bashkë me kompaninë e

mbikëqyrjes dhe bashkë me ministrinë e infrastrukturës dhe të ambientit natyrisht do të tentojmë maksimalisht ta përshtatim projektin me gjendjen faktike në terrene. Nuk bëhet fjalë për prishje përveç në Fortesë e kemi një situatë me një shtëpi e cila është në pronë publike dhe është shtëpi e vjetër po ashtu edhe lagjja e Kadirëve është një situatë që mundet ndonjë mure me u rrëzua por askush nuk ka arsye me qenë i shqetësuar që të sfidohet një projekt ku kanë marr pjesë minimum 30 inxhinier, arkitekt jo të komunës tonë por ata e kanë fitua të drejtën edhe ky projekte ju ka nënshtrua krejt procedurave edhe në Ministri të Infrastrukturës pra ky projekte është miratuar edhe nga departamenti i rrugëve të Ministrisë së Infrastrukturës. Procedura e këtij projekti ka fillua në fillim të vitit 2019 kur qeveria ka qenë stabile ku gjithçka ka qenë në rregull, janë ndjekë të gjitha procedurat e prokurimit madje është vonuar për shkak se ja 3-4 muaj ka qëndruar edhe ne organin shqyrtues të prokurimit në nivele qendrorë për shkak se ka pasur ankesë. Pra unë besoj që kompanitë janë të forta ato që e kanë fituar edhe ju mund të i shihni edhe në web-faqen edhe mendoj që banoret e Fortesës ata që janë në zonën që pritet me u zbatua projekti edhe do të zbatohet sepse veç koha u prishë sepse sot kanë pasur me fillua 3 kompanitë menjëherë, ndoshta javën tjetër do të kemi aktivitete, unë jam dakorduar plotësisht me banoret edhe fjalët të cilat ja u kam thënë atyre, premtimet që ju kam dhënë unë do të i mbajë, për shkak se arsyeja e vetme është që projekti ka me u realizua edhe natyrisht arsyeja tjetër është se ne nuk dojmë me dëmtua kërkon edhe pse mund të kemi të drejtë ligjore, nuk dëshirojmë me frenua dikon që mos me pas çasje biznesi i tij dhe besoj që ka me qenë një projekte që ka me u realizua me standarde të larta edhe të cilësisë por edhe të projektimit dhe besoj që është një projekte që në planin afatgjatë ka me qenë mundësi jo vetëm për hapje të qarkullimit të qytetareve por edhe mundësi për zhvillim të qytetit dhe të fshatrave. Bile unë sot po e ripërtërije kërkesën për z.Abdixhiku edhe për rrugën Rahovec-Malishevë për shkak se duhet edhe ne të kemi mundësi që të kemi rrugë të gjera dhe mënyre me të mirë të hyrjeve dhe daljeve, ku edhe komunat me të vogla se kanë mbërrij me bo rrugë katër korsi, ka njerëz që thonë se çka ju ka deshtë komunës tonë një rrugë katër korsi, ju e dini se Ministria e infrastrukturës nuk ndërton shkolla por ajo ndërton rrugë, atëherë pse mos me marr ne një projekte i cili është edhe zotim i imi pasi unë i kam fitua zgjedhjet mirëpo nuk do të thotë që bash ky projekte ka ndikua që unë me fitua besimin e qytetareve por pse mos me u kon një rrugë katër korsi Xerxe- Rahovec edhe pse mos me u kon një rrugë katër korsi Rahovec-Malisheve apo edhe zgjerim i rrugës Rahovec- Suharekë. Nëse dikush mendon që Qeveria e Kosovës ndanë mjete për rrugë që mos me i shfrytëzua ne këto mundësi atëherë unë mendoj që unë jam për hapje të Komunës se Rahovecit, unë jam pëlr me i dhanë mundësi komunës se Rahovecit, unë jam i vetëdijshëm që ka shqetësime, pakënaqësi ka pasur edhe ne Fushëkosovë, në Prizren mirëpo puna ka vazhduar edhe i kanë rrënuar krejt edhe bilum as nuk i kanë vet hiq sidomos kur është pronë publike. Ne duhet me gjete mekanizma edhe kur ka pronë private me shpronësua pra në pronë private nuk hinë në asnjë centimetër rruga katër korsi Xerxe- Rahovec. Listën e atyre që kanë ndërhyje në pronë publike e kemi por nuk e kemi ndërmend sepse ata të gjithë janë kon edhe ne kemi biseduar bashkë edhe besoj që si përfundim rruga katër korsi është projekt jashtëzakonisht i rëndësishëm pra është projekt strategjikë për një komunë siç jemi ne dhe është një projekt i zbatueshëm, funksional dhe i cili ka me qenë në përputhje me gjendjen faktike dhe që e kemi aktual në terrene, nuk ka me pasur rrëtime eventualisht mund të rrënohet ndonjë mure që është i vjetër por nuk ka me pasur nevojë që me hie që edhe nëse e rrënojmë ndonjë objekte të banimit, unë ju siguroj se në detaje e di këtë çështje pasi jemi marr me këtë, besoj që edhe ne me dakordim do ti themi që të i sigurojmë një banesë apo një strehime për shkak se u shtrua edhe një çështje sa për një detaje po ju japë se nëse ai ngjeshësi apo valaki kur të vjen skaj shtëpisë, ajo mundet edhe të çahet, në se pari do të studiojmë situatën dhe nëse kemi aso rreziqe, ne do të tërheqim atë familje dhe do të marrim përsipër si komunë mbrojtjen e saj. Por projekti pa asnjë dilemë ka me u zbatua për shkak se është projekt tepër i rëndësishëm dhe i kemi shterë debatet, i kemi

dhanë sqarimet, informatet edhe besoj që edhe zotimet tona para të shqetësuarve janë reale dhe të mundshme me u realizua dhe besoj që ska me pas asnjë telashe.

Komisioni për verifikimin e keqpërdoruesve eventual të përfituesve të pajisjeve bujqësore ose mekanizmit bujqësore-brenda 24 orëve unë kam pasur 5 komisione të cilët me kanë raportuar pra i kam dërguar 5 komisione ad hoc ne gjithë komunën tone dhe për 24 orë, unë e kam pasur raportin e plotë me fotografi edhe me keqpërdorime eventuale nëse ka pasur dikun. Nga 812 përfitues, 7 dyshohen për keqpërdorime që në përqindje i bjen 0.86%, unë kam mendua se ka me u kon një situatë krejt më ndryshe që fatbardhësisht ka dalë 0,86%, çka do të bëhet me ata 7 të dyshuar, kanë filluar me ju shkua njoftimet në shtëpitë e tyre dhe kanë një afate tepër të shkurtër për kthimin e pajisjeve bujqësore, ne qoftë se jo, ne jemi brenda kontratës pasi ata i kanë nënshkrua vetë, ne do të dërgojmë çështjen në kallëzim penal pra në prokurori, këtë unë nuk e them për hatër të kuvendit por e kam thënë publikisht që ata që keqpërdorin mekanizmin bujqësor apo çfarëdo qoftë që unë kam informatë, unë vetë personalisht i drejtohem prokurorisë themelore që nëse është nevoja edhe prokurorisë speciale pavarësisht se sa është vlera e keqpërdorimit edhe besoj që këtë e kanë kuptua edhe ata edhe kanë me kuptua edhe të tjerët që ne nuk kemi të bëjmë kompromis me buxhetin e qytetareve të komunës sepse ne ju kemi thënë se krejt jeni përfitues, mos e merr atë çka nuk të duhet, nuk ke të drejtë me shit atë që e ke përfitua pasi është djersë e secilit prej nesh pra e qytetareve tanë dhe nëse ata kanë veprua ndryshe natyrisht se do të përgjigjen por mos harroni se janë 7 keqpërdorues që i kemi edhe me emra që mundeni me shkua ne drejtori të bujqësisë për informacione edhe 0.86% është përqindja prej 812 përfituesve. Çka do të bën komisioni me tutje se ne tash e dimë rifillojnë punimet që ndoshta dikujt mundet të i shkon në mendje se hajt se ka harrua komuna. Komuna nuk kame harrua për shkak se unë e di se çka kam hequr me juve njëherë për buxhete se a ishin subvencione apo investime kapitale apo kapitale të transferuara dhe mezi kamë marr miratimin e buxhetit dhe ky buxhet që ju dedikohet për mekanizëm bujqësor edhe krejt buxheti kjo kategori që përfiton mekanizëm bujqësor ka me u përgjigj edhe unë tash e kam krijua një shprehje pra një traditë që ka me krijua dhe komisione speciale edhe nga jashtë që me i hetua keqpërdorimet për shkak se ne fund unë duhet të përgjigjem para auditorit si kryetar komune edhe pse mund të mos kem fare lidhje me ato punë. Jam i kënaqur me punën që e kanë bërë komisionet dhe do të shihni ju pak me vonë për masat administrative mund të aplikohen ndaj keqpërdoruesve si komunë apo edhe masat për ndonjë vepër potenciale penale që mundet edhe i ka në dorë prokuroria apo gjykatat.

E diela pushim për bizneset, ne kemi një kërkesë nga disa biznese por nuk e kemi të qartë a është më mirë me bo të dielën pushim për biznese dhe për punëtorët për shkak se në disa zona dëmtohen në qoftë se bëhet dita e diel ditë pushimi p.sh. Malësi e vogël, Gexhë, Ratkoc, Kramovik apo Krushe, disa biznese e respektojnë ditën e Diel që është një numër i konsiderueshëm i i bizneseve që e respektojnë ditën e diel si ditë pushimi, disa biznese mund ta kenë ditën e Premte si ditë pushimi. Ne është e vështirë pa e bërë një analizë, unë ju ftojë nëse ju dëshironi me bërë ndonjë komision për ta analizuar këtë situatë se cila është ma e mirë apo kuvendi me vendos që bizneset ta zgjedhin një ditë pushimi edhe le të vine specifikisht të lajmërohen për shkak se kanë edhe obligim ligjor që me pas edhe një ditë pushimi por me përcaktua apriori ditën e diel vështirë të jetë e mirë se ardhur për bizneset të cilat operojnë në Komunën e Rahovecit për shkak se jemi në rrethana të ndryshme, po supozojmë ne Ratkoc dita e diel është ditë tregu, nëse ti i mbyll bizneset atë ditë, ne ju kemi pamundësua me nxjerr një fitim që s'mundem me nxjerr gjate gjithë javës apo zona prej Fortesës deri në Krushe a ju përgjigjet dita e diel, pastaj qytetin a i përgjigjet dita e diel, pra i mora 3 pika që ne mundemi me bërë një studim, një analizë të përbashkët me nxjerr studime tona apo përfundimet tona edhe me ardhë deri te një situatë a duhet me vënë në kuvendë të komunës një ditë siç është dita e diel pushim për biznese kurse sa i takon pushimit për festa ka të drejtë Shqipja, unë ju bëj thirrje se në përvjetorë pastaj java e dëshmorëve apo dita e dëshmorëve, dita e Pavarësisë, 28 Nëntori dita e Flamurit apo ditë të tjera të veçanta, unë mendoj që

bizneset duhet me i respektuar, ne nuk mundemi të ju themi ndoshta fermerëve, bujqeve por duhet që bizneset dhe ata që kanë të bëjnë dhe janë të regjistruar dikun në analet e Komunës ata duhet me respektua festat shtetërore pra festat kombëtare të popullit tonë.

Te aparatet për fotokopje z. Fazliu e ka ngritë këtë çështje, kontrata e vjetër ka skaduar, kontrata lidhet në Ministri pra është e centralizuar që ka disa vite, kanë fillua me i shpërndaje fotokopjet e reja, pajisjet e reja, nuk kanë mbërri ende nëpër shkolla, ja 3 ditë edhe ne në Komunë kemi pas problem për shkak se nuk kishim ku me fotokopjua për shkak se erdhi edhe i mori ai që kishte kontratë me komunën dhe i ka skaduar edhe mbetëm pa fotokopje ne si komunë, rrjedhimisht edhe shkollat edhe QKMF-ja edhe të tjerët që kanë këto pajisje kanë mundur me mbete edhe ata pa ato. Ne kemi bërë kërkesë për furnizim sa me te shpejtë për shkak se janë planifikuar për të gjitha shkollat po ashtu edhe për nevoja tjera me fotokopjues me të vegjël, për shkak se janë me kategori që shpresoj që sa me shpejtë me ardh edhe në shkolla edhe gjithkund ku janë bërë kërkesat për furnizim.

Gropat në rrugën kryesore, unë i kam ftua operatorët z. Cena që i kemi pasur këtu bashke me drejtoret e drejtorive, ka kontratë për trajtimin e gropave të cilat janë krijuar në rrugën kryesore të qytetit dhe shpresojmë se do të rifillojnë punimet se shpejti për shkak se kemi kontratë. Pra arsyeja se pse nuk ka ndodhur është se ne nuk po kemi mundësi me i lutë shumë kompanitë për shkak se nuk është miratuar ende buxheti në Kuvendin e Kosovës, po pritojnë me ja nis punës, disa të të tjerë veç kanë filluar për shkak se po qëndrojnë me mirë financiarisht por po besoj që javën tjetër nëse kemi edhe kohen e mirë dhe me te përshtatshme, do të kemi mundësi me u marr me trajtimin e gropave dhe pesetave në rrugët kryesore të qytetit e sidomos në rrugën „Xhelal Hajda –Toni,,. Për sa i takon gypit për ujërat atmosferikë në rrugën „Dëshmorët e Pashtrikut,, edhe trotuaret në veç kemi kontratë me trotuaret edhe do të kemi mundësi edhe sivjet me pas kontratë të re me trotuare, e di që moti nuk është trajtua kjo rrugë, ne vitin e kaluar e kemi qitë ndriçimin por sivjet ka nevojë edhe për pune të tjera pra është në përputhje me kornizën dhe është e mundshme me u bo si një nga rrugët e rëndësishme të qytetit. Te Caritas Kosova pagat e Janarit, unë po besoj që zj. Shqipe Kryeziu e ka të qartë se buxheti i Kosovës nuk është i miratuar, shërbimet nga Caritas Kosova merren nga kategoria mallrave dhe shërbimeve, ne vetëm 1/12 e buxhetit sipas ligjit edhe nuk kemi pasur mundësi me i pagua pagat e Janarit për shkak të situatës në të cilën është në krejt komunat e Kosovës. Pra çështja është këtu, që ne nuk është se drejtori a po doni me i pagua apo jo ose kryetari i komunës, problemi është se nuk ke mundësi me bo pagesë për shkak se nuk paguhen nga kategoria e pagave dhe mëditjeve që i paguan Ministria e Financave ku na dalin rrogat neve, por është një kategori tjetër ku është përgjegjësi e Komunës por kur komuna nuk ka për shkak se nuk është miratuar buxheti në Kuvendë të Kosovës dhe nuk është alukue për me shpërndaje ne këtu ose vetëm 1/12 ato zgjatjet që janë bërë pasi unë nuk jam ekspert i kësaj fushe mirëpo i kam mësuar edhe këto pasi janë të rëndësishme pasi vetëm 1/12 është ndaje dhe kjo shume nuk ka mundësi me u marr pare për me u pagua shërbimet e Caritasit por nuk do të thot që nuk do të paguhen tash nëse miratohet buxheti shpejtë edhe nëse lëshohet pjesa tjetër e buxhetit ose krejt buxheti nëse lëshohet edhe për këto. Është pak problem pasi shërbimet me Caritasin janë kontrata për shërbime të veçanta që lidhen dhe ne kemi një partneritet me Caritasin dhe ka raste kur nuk mundemi me përmbush kontratën për shkak se edhe duhet me ju than punonjësve apo shërbyesve në Caritas që s’kemi mundësi, ne ju kemi tregua se nuk mundemi me ju pagua ato të 2019-s, pasi ne kemi kontratë deri me 28 shkurt pra pikërisht sot skadon kontrata me Caritas Kosovën.

Ka pasur problem me web-faqen zyrtare dhe besoj që i keni dëgjua Shqipe që pse nuk janë publikua konkurset, qe për këtë edhe Haziz me tregoj, pra softweri qeveritar ka pasur problem me shume se një javë dhe ky shqetësim dhe mundeni me pas qasje për me vërtetua se ka pasur shqetësime me web-faqen zyrtare.

Procedurat për rekrutimin e qytetareve që kanë shprehë interesimin me marr kontrata për shërbime të veçanta, procedura ka qenë tepër e rregullt, e bazuar tërësisht në ligjin aktual në fuqi edhe tash krejt çka ne mundemi

me qenë të kënaqur ose të pakënaqur është prej mbi 100 personave normalisht që krejt nuk mundën me u pranua se ska vend për të gjithë dhe natyrisht se dikush del i pakënaqur, për ndryshe sa i takon procedurave jemi në rregull dhe auditorin e kemi këtu dhe mundeni me pae se procedura u kon në rregull pra ska ndonjë telashe me procedurë sepse përpara kontratat mbi vepër e din edhe z. Qeska e din edhe kryetaret tjerë, i pranojshin pa konkurse me kontratë mbi vepër kurse tash pa konkurse nuk ke të[drejt me i marrë, e kemi shpallë konkursin kuptohet dikush mundet me qenë i kënaqur e dikush i pakënaqur por kryesore me konkurs u zhvillua procedura, është publikua dhe kur u publikua unë nuk e di për shkak se gjithçka është në rregull dhe për këtë mund të ju jep zyrtarisht sqarimet zyrtari për informim Hazizi se kishte problem me softuer pasi ne komandohemi prej qendrës për këto çështje dhe nuk varet prej neve.

Te barnat esenciale- që janë pjesë e përgjegjësisë kryesisht e Ministrisë së Shëndetësisë dhe ka pasur vështirësi ne furnizime pasi drejtorin nuk e kam për momentin këtu dhe nuk e kemi të madhe për shkak se nuk kemi deshtë të krijojmë panik, jo vetëm komuna jonë pasi ka pasur probleme me furnizim dhe e din edhe doktor Fehmia që ka pasur disa probleme që për disa ditë për furnizim që fatbardhësisht nuk ka ndodhur diçka e rënd pasi kishte mundur me na ngarkua edhe neve me përgjegjësi morale edhe institucionin. Por ka pasur problem me barna esenciale edhe me insulinë ka ndonjëherë probleme zj.Rukije, ka probleme edhe me mungesa të disa gjerave shumë të thjeshta të cilat nganjëherë janë me shumicë por nganjëherë shpenzohen, unë po pajtohem që ne mundemi me u kujdes qoftë përmes Ministrisë së Shëndetësisë me ndikua me shume edhe qoftë vet me u kon më të vëmendshëm dhe furnizimi me u kon më stabil. Drejtoria e QKMF-se nëse ka kërkesa edhe për insulina i qojnë mirëpo ndonjëherë nuk ka, pra i dërgojnë edhe ne QMF-të sidomos në këto me te mëdha si në Krushe,Ratkoc, Fortesë që unë nuk e di tash me saktësi pasi nuk e kemi drejtorin e QKMF-se që e din këto detaje më mirë, pra ai është Jusuf Korenica ,por e di që kemi ndonjëherë problem me furnizim për shkak se nuk është i mjaftueshëm furnizimi me barna. Pyetjet tjera të parashtruara për rininë, i kisha lutur drejtorët po ju them edhe juve se çka varet prej përgjegjësive komunale prej kapaciteteve komunale në rekomandime se çka mund të ju ndihmojmë rinisë pasi ne kemi edhe drejtorin e kulturës, te arsimi, të administratës por edhe vet në cilësinë e kryetarit e komunës, unë jam i interesuar me përkrah maksimalisht rininë me mundësitë tona buxhetore dhe me i plotësua disa rekomandime që ju i paskët marrë në kongresin që e keni mbajte. Se çka keni për rini, ju duhet të drejtoheni te drejtoritë, kuptohet e përkrahin në bazë të mundësive buxhetore dhe përkrahjen morale e institucionale dhe poashtu financiare nuk mundem me dit se çfar kërkesa por ne jemi të interesuar me dinamizue jetën e të rinjve këtu edhe me i përkrah të rinjtë maksimalisht.

Komiteti konsultativ për shërbime publike ka dështuar, nuk do të thotë që ka dështuar njëherë mos me aktualizua përsëri edhe ndoshta ka të interesuar, nuk janë komitete obligative por janë komitete të rëndësishme në qoftë se i kemi ne si komunë edhe komitetin konsultativ për shërbime publike edhe për nevoja të veçanta edhe për rini mundet me u bo pra mundet ky kuvend i komunës me i formua disa komitete konsultative të cilat i japin mundësi edhe ekzekutivit edhe kuvendit të komunës mundet me i krye shumë me tepër punë edhe me shumë me cilësi punët me i krye se sa që mundet me i krye pa këto komitete mirëpo varet se a ka interesim. Me rekomandimet ose kërkesën e institutit kombëtar të shëndetësisë publike edhe kuptohet Ministrisë së Shëndetësisë edhe komuna jonë është e gatshme maksimalisht me qenë pjesë e projektit për masa preventive ose masa mbrojtëse ndaj Korona virusit që tani është temë në gjithë botën por natyrisht edhe ne nuk jemi imunë. Ekipi jonë i QKMF-së sot është në Vermicë, sipas një plani operativ që e ka bërë instituti kombëtar i shëndetësisë publike në bashkëpunim me SHSUK-në, Ministrinë e Shëndetësisë, Drejtorinë e Shëndetësisë tonën, QKMF-në janë pjesë e këtij projekti që po mbahet në Vermicë. Pra jemi edhe ne pjesë e këtij projekti, besoj që doktori Fehmia e din këtë që sapo e thashë tani.

Kryesuesi – Faleminderit shumë kryetar për sqarimet që i dhatë, për momentin kuvendari Sali Sallteku e ka kërkuar fjalën, pasi u ardhë me vonesë.

Sali Sallteku – Faleminderit kryetar, kërkoj falje për vonesën, unë kisha me i thanë kryetarit që mundeni të uleni dhe kur të dilni me dhanë përgjigjet mundoheni të jeni sa më i shkurtë, unë do të pyes diçka por me shumë do të jap komente por mundësisht sa me shkurt. Rruga që po bëhet ka shume telashe, unë nuk e di pasi kjo pjesa prej rrethit e deri te maja e shkodranit atje, unë po pajtohem se është diçka e mirë dhe po besoj që mbi 40 km/h nuk duhet të vozitet edhe pse do të bëhet 4 korsi, nuk e di kryetar se do të preket prona private qoftë në Rahovec apo në Fortesë edhe a shkohet në të dy anët njëjtë prej Rahovecit deri në Xerxe dhe kjo prej rrethit deri te maja e shkodranit është vetëm një korsi por megjithatë për mua me mirë do të ishte me qenë Rahovec-Malisheve mirëpo unë mendoj që pak ka rëndësi kjo rrugë edhe për Rahovecin edhe për fshatrat sepse nuk ke mundësi me vozitë nëpër fshatra me shumë se 40 km/h por sidoqoftë apet pajtohem pasi është si projekt kapital pastaj a do të ketë rrethina që mos me pas mundësi me hije çdo kund edhe sa kycje do të jenë pra sa rrethe pra nëse ka mundësi shumë shkurt të përgjigjeni.

Kryetari – Rruga nuk është e mbyllur, nuk është autostradë pra është rrugë 4 korsi, e hapur maksimalisht për qasje për të gjithë, nuk prekë në prona private pastaj pse 3 korsi në pjesën e nëltë, ju e dini se unë jam djallë i mirë dhe kryetar i mirë, unë nuk kam deshtë me prishë investimin e Caritasit yvicerran të kohës se qeverisjes së z. Vehapi për shkak se pjesa që është me ndriçim edhe me trotuar pra qëllimi ka qenë jo taktik, jo me manovrua por nuk jam i gatshëm me prish investimin të cilat e kanë vulën edhe të zviceraneve. Edhe në kohen kur është bërë atëherë është bërë mirë dhe tash ne kemi këtë pjesën tjetër që prape nuk prekim në prona private edhe natyrisht do të shkoj deri te transiti i ri. Për rrugën Malisheve e përmenda edhe me herët se jam shume i interesuar pasi kam bo kërkesë edhe për atë mirëpo s'kemi mundur krejt tani. Shpejtësia në rrugën 4 korsi Rahovec –Xerxe nuk rrit por zvogëlohet aty ku është 70 do të bëhet 60,që aktualisht është 70,do të ketë trotuare në të dy anët e rrugës, nuk prekë në prona private, natyrisht që të gjitha të tjerat besoj që ne bashke me të tjerët pra bizneset edhe me familjaret që natyrisht janë të shqetësuar me të drejtë, mund të mos kenë të drejtë ligjore, në do të jemi në komunikim direkt edhe i kemi sqarua edhe unë premtimet i mbaj. Rruga ka me qenë moderne pra bashkohore me cilësi, me standarde të mira nuk po them të shkëlqyeshme sepse i tillë do të ishte nëse zbatohet 100% projekti dhe që ka kaluar aprovimin neper të gjitha filtrat edhe të Ministrisë edhe të departamentit të rrugëve por atë projekt është shume vështir me realizua ashtu siç është, për shkak se duhet me hije edhe me prish diçka, mirëpo ashtu ne nuk jemi të interesuar .Kyqjet janë nënkalimi në Xerxe te Sillosi ,nënkalimi te Osa termosistem,rreth rrotullimi të kontrollimi teknik në Fortesë,pjesë të tjera nuk mundemi per shkak të pronës nuk mundemi me bo rreth rrotullime. Në plot vende do të ketë qasje mirëpo rreth rrotullime nuk ka me pas, mbrojtëse do të ketë vetëm në këtë pjesën prej Osa termosistem e teposhte ka Fortesa për shkak se është poshtë edhe do të ketë mbrojtëse për evitimin e rrezikut, do të ketë zgjerim të urave ,ka ndriçim publik, ka trajtim të ujërave të bardhe dhe të zeza ne krejt transitin e UÇK-së rruga e e UÇK-së mbi Rahovec dhe ne krejt rrugën Rahovec-Fortesë ka trajtim të ujërave te zeza dhe te bardha edhe ne vendbanim ndërsa po ashtu është edhe kanali që do të futen edhe gypat që lidhen kabllot nëntokësorë pra nuk do të ketë shtylla apo kablllo mbitokësore në zonën e banuar dhe as ne pjesën e biznesit ka Rahoveci dhe as ne pjesën e Forteses nuk ka me pas kablllo mbi tokë, as te internetit, as fije optike dhe as shtylla elektrike që i kemi ekzistuese. Besoj qe kemi me i zgjidh këto probleme edhe nuk kemi me pas telashe në ekzekutim të projektit për shkak se siç e thash e kemi në 3 lote pra janë 3 kompani që të 3-jat janë të forta si Euroasfalt,Victoria invest dhe Mendi-P. Edhe jam i bindur se kemi me pas një situatë shume produktive për shkak se të 3-jat janë të forta, unë po mendoj që ne kemi me i krye punët mirë kuptohet në bashkëpunim me qytetaret edhe duke reflektua edhe shqetësimet e tyre maksimalisht. Ne do të përshtatim në bazë të gjendjes ekzistuese në terenë ,nëse kemi dikun që ka dal 16Metra kurse pjesën tjetër e kemi 3 metra, tash nëse

shkojmë njësoj dikun duhet të i futemi në shtëpi. Ne do të jemi të kujdesshëm pasi kemi disa pozicione ashtu, ndoshta këtu në dalje të qytetit apo në Fortesë dikun por ne do të përpiqemi që mos me dëmtua asnjë biznes privat, asnjë familje dhe as Stonecatle që është në kufi dhe do të jem unë ai që do të mundohem me gjet një zgjidhje që të kemi mundësi me u zgjerua pak që të mos dëmtohen këta tjerët.

Shqipe Kryeziu – Faleminderit kryesues, do të thotë çdo here kam përgjigje të njëjtë, kemi probleme teknike çdo here si për drejtorinë e arsimit e njëjta përgjigje, tash përsëri për Bujqësi e njëjta përgjigje me probleme teknike, për Rini probleme teknike që unë uroj që mos të keni më probleme teknike por veç deshta me dit se ne cilin udhëzim jeni bazuar që ka qenë koha shume e limituar pasi për 4-5 ditë pasi në ditën e fundit u shpallë konkursi edhe uroj të i rregulloni dhe të mos keni probleme teknike.

Kryetari – E nderuara Shqipe, sa here te kemi probleme teknike ne sigurisht se do të tregojmë ty dhe gjithë të tjerëve, ne nuk po mshifem pas kësaj dhe as nuk është qëllimi me devijua. Unë e di pasi me vinë emaile çdo dit pasi ka probleme teknike pasi ka edhe sulme që ju bëhen faqeve zyrtare nga persona sinjalizues me qëllime të këqija pra kemi probleme të kësaj natyre. Për shpalljen e konkurseve ne jemi bazua pasi tash veç fillojnë për aplikimin e subvencioneve, për grande dhe ne nuk mundemi me pritë që kur të thuani ju p.sh. Pra kontratat për shërbime të veçanta veç ta shpjegoja me herët se përpara janë dhëna ashtu kryetari i Komunës i ka dhënë pa konkurse kurse tani nuk na lejohet ashtu dhe vetëm me konkurs duhet të bëhet kjo pra nuk kemi të drejtë, për shkak se nëse futet në fuqi ky ligji që është i pezulluar deri me 28 Mars, në pastaj veç me prokurim mundemi me lidhë kontrata për shërbime të veçanta pasi nuk mundemi ndryshe. Pra ne jemi bazua në ligjin i cili ende lejon përmes procedurës se shpalljes së konkursit me rekrutua qytetarë me afat të caktuar për me krye shërbime të caktuara dhe kjo është publike dhe ata që janë të punësuar janë publikë edhe ata i kanë vlerësua auditori, bilum auditori na ka thënë që vet mirëpo tash nuk guxoni më boe pa konkurse, se ndoshta ne edhe kishim vazhdua me bo pasi kanë bërë në shume vende dhe komuna tjera mirëpo nga tani nuk ka më pa konkurse prandaj edhe konkursi është i bazuar edhe pse është me afat të kufizuar.

Ali Zhuniqi – Për zotimin që keni bërë në vitin 2017, ju keni thënë edhe për qendrën e Hemodializes që ke me funksionalizuar menjëherë pasi të merr mandatin mirëpo një gjë e tillë nuk ka ndodhur dhe jo domosdoshmërisht zotimet që i keni premtua dhe që ka që nuk i keni bërë. Kurse sa i përket debatit që the më herët se jeni dakorduar me qytetarët, kjo nuk është e vërtetë dhe nuk qëndron për arsye se pasi keni mbajtur ju një debate me qytetarë pastaj qytetarët janë organizuar edhe kanë mbajte një debate mes vete dhe ata fuqishëm kanë dalë me kundërshtua një projekte të tillë. Edhe e treta më mbetet borgjë për draft rregulloren për të drejtat e fëmijëve ku thash që kemi pasur një informacion se u ushtrua dhunë nga një arsimtar në një shkollë në Rahovec, rasti me pastaj është procedua në Polici ose jo nuk e di, edhe deshta me ditë se cila është qasja jote ndaj dhunës nëse kjo është e vërtetë edhe a keni marr masa në lidhje me këtë çështje.

Kryetari – Faleminderit Ali, për Hemodializen do të ju shpjegoj në një takim tjetër dhe do të ju them për situatën e hemodializes edhe duhet ta dini se nuk kemi asnjë faje për këtë, unë e ruaj vazhdimësinë sepse nuk jam prej atyre se si të vij kryetar komune duhet me i shkarkua krejt, unë i respektoj investimet të cilat kanë ndodhur të cilat janë me buxhete të komunës dhe kemi insistua edhe me herët edhe tash e kemi një situatë që besoj që ti pasi po punon andej ka QKUK-ja e din mirë se ku është problemi. Në qoftë se ne mundemi me mbërri e kam thënë edhe njëherë transfuzionin e gjakut, një njësi për me prua në Rahovec atëherë hemodializa është veç e hapur, nëse jo atëherë unë nuk marr përsipër edhe kërkush nuk merr përsipër me rrezikua jetën e pacientëve në mungesë të transfuzionit të gjakut pra kjo është informatë e saktë zyrtare. Për sa i takon zotimeve, kjo është një zotim që dëshira e të gjithëve është me realizua pasi ska lidhje as me pozite edhe as me opozitë sepse e kemi numrin e pacienteve 37, që edhe me këta të Malishevës bëhen mbi 50 dhe ne jemi të interesuar që sa me parë me hapë repartin e hemodializes edhe me funksionalizuar.

Çështja e pakënaqësive të cilat edhe ti e ke ngritë këtë shqetësim direkt, këtu nuk ka politikë pasi ne po flasim për rrugën katër korsi, nëse dojmë me fol edhe për politike, unë do të jem në gjendje me ju dhanë shpjegime tjera pasi di me bo edhe politikë. E para, debate publike kam pasur dhe pse ti nuk je i gatshëm, ju mundeni me i pae debatet publike që janë mbajtur në vitin 2018 dhe 2019 që po ashtu janë edhe procesverbalet dhe unë po të them se ai që ngritë çështje duhet me dit se une kam skemën që edhe ti je uzurpues i pronës këtu pikërisht aty ku ti je duke jetuar dhe në këtë pikë jam shume i pastër dhe ne dijeninë time unë si Smajl Latifi askund nuk kam uzurpime, unë nuk po të akuzoj mirëpo dua të them që ju keni të uzurpuar pronën publike në pjesën ku jetoni dhe keni aty një dyqan dhe unë si kryetar Komune jam i autorizuar me dhanë sqarime për cilindo, sikurse ju që kërkon llogari nga unë edhe unë po kërkoj llogari ty pasi jam kryetar i Komunës pasi kam besimin edhe autoritetin e plotë me kërkuar shpjegime, sigurisht që unë ju jap të drejtë edhe atyre që skanë të drejtë edhe këtu edhe gjithkund por sigurisht deri në njëfarë mase pastaj kur të kalohet kufiri sepse thashë që kemi biseduar me ata dhe ata që nxisin duhet me pas njëfarë arsyeshmerie dhe duhet me pas minimum të moralit politik, sigurisht se këtë nuk e bëj për politik, unë kam mundur me rrënuar investimit të Karitasit zviceran në rrugën transite të UÇK-së mirëpo nuk e kam bërë një gjë të tillë pasi janë paret e Zvicrës dhe të komunës tonë që kanë investuar, nuk bëj kësë vepra sepse nuk fillon historia me mua dhe as me ty Ali Zhuniqi prandaj kur të bën postime publike edhe ti nxitë njerëz, më mirë do ishte me ardhë me at njerëz me kërkuar me këqyr se çka ka ne ato debate dhe jo mu fsheh për këtë. Unë po të them me sinjeritet, korrektësi dhe me respektin më të madhe që mos u fshehë për këtë por tregoje vendoshmërin dhe praninë tuaj kur të janë banoret aty edhe i diskutojmë edhe e din çka kemi biseduar aty dhe unë e di krejt informacionin se kush po i nxitë ata por unë prapë jam më i fortë se sa që ti mendon sepse së pari jam njerëzor, parimor dhe nuk kam kurrfarë interesi individual dhe po ashtu po dua me realizuar një projekt në përputhje me gjendjen ekzistuese në terrene ndërsa ata që janë uzurpues edhe janë të zgjedhur, e tregojnë moral para qytetareve, unë mendoj që këta njerëz duhet të jenë shume të kujdesshëm, për shkak se ligji e thotë shume mire se edhe ti edhe une jemi të barabartë dhe gjithë i nënshtrohemi ligjit dhe nëse ti po dëshiron me bërë ndryshime radikale, ju duhet ta dini se keni zgjedhur rrugën e gabuar sepse ti duhet edhe me ardhë me i than komunës që të pastrohet pjesa e uzurpuar nga ju dhe jo me shitë patriotizëm dhe moral politik para qytetareve të Komunës. Kur të dal unë publikisht me listat e uzurpuesve e që ka drejtë me kërkuar edhe Rasim Fazliu edhe Ali Morina, Dervish Çadraku, Fehmi Cena pastaj nuk duhet ankoheni për veprimin tuaj pasi unë di shume gjëra jo pse jam i mençur por se jam Kryetar Komune.

Kryesuesi – Faleminderit kryetar për të gjitha sqarimet, kalojmë në pikën e tretë të rendit të ditës:

3. Shqyrtimi dhe aprovimi i propozim vendimit të Marrëveshjes së bashkëpunimit ndërmjet Komunës së Rahovecit dhe Bashkisë së Vlores të Republikës së Shqipërisë.

Rasim Fazliu – Faleminderit shume kryesues, meqenëse pika e tretë, e katërt dhe e pestë e kanë një emërues të përbashkët, unë kisha propozuar në qoftëse dakordohen edhe kolegët tjerë që për këto tri pika, t'i kalojmë bllok të tri pikat pasi nuk kemi çka me fol veç e veç për to, kemi me u shoqëruar me komunat tjera. Propozimi im është ky, sigurisht nëse pajtohen edhe kolegët tjerë.

Kryesuesi – Faleminderit shume z.Fazliu, nëse po pajtoheni, ju e dini se kemi filluar një formë të komunikimit me komunat të cilat janë të parapara këtu. A po pajtoheni me i qitë të trijat në votim. Pra e qesim në votim pikën e tretë të rendit të ditës. Konstatohet se unanimisht aprovohet pika e tretë e rendit të ditës. Kalojmë në pikën e katërt të rendit të ditës:

4. Shqyrtimi dhe aprovimi i propozim vendimit të Marrëveshjes së bashkëpunimit ndërmjet Komunës së Rahovecit dhe Komunës Civita të Republikës së Italisë – E qesim në votim pikën e katërt të rendit të ditës. Konstatohet se unanimisht aprovohet pika e katërt e rendit të ditës. Kalojmë në pikën e pestë të rendit të ditës :

5. Shqyrtimi dhe aprovimi i propozim vendimit të Marrëveshjes së bashkëpunimit ndërmjet Komunës së Rahovecit dhe Komunës Frascineto të Republikës së Italisë – E qesim në votim. Konstatohet se unanimisht aprovohet edhe pika e pestë e rendit të ditës. Kalojmë në pikën e gjashtë të rendit të ditës:

6. Shqyrtimi dhe aprovimi i propozim vendimit të Memorandum mirëkuptimit për mbulimin e pjesshëm të shpenzimeve të strehimores „Shtëpia e sigurve“, për periudhën 3 vjeçare 2020-2022.

Fatmir Iska – Faleminderit i nderuari kryesues, te nderuar anëtarë të Kuvendit dhe gjithë ju të pranishëm. Edhe kryesuesi e përmendi është një memorandum mirëkuptimi që lidhet me komunën e Rahovecit dhe organizatën joqeveritare „Shtëpia e sigurve, te cilën e udhëheq Erblina Dinarama. Kjo shtëpi e sigurve është e vendosur në Gjakovë dhe kryesisht trajtohen viktimat e dhunës në familje, e dhunës në baza gjinore por edhe të trafikimit me qenie njerëzore. Ne jemi dakorduar që këtë shumë brenda një periudhe 3-vjeçare, e kemi konsultua edhe ligjin në baza ligjore nëse ka nevojë ndonjë shpjegim, që e kemi edhe shefin e zyrës ligjore z. Isak Hoti, për me tepër e kemi edhe memorandumin se çka përfshin, fushën e veprimtimit të kështu me radhë. Ju ftoj që ta përkrahni këtë memorandum në mënyrë që kryetari pastaj të vazhdojë me procedura të nënshkrimit edhe të zbatimit të këtij rekomandimi.

Florida Bajraktari – Faleminderit kryesues, përshëndetje për të gjithë, para se me marr vendim për memorandumin e mirëkuptimit në mes të Komunës së Rahovecit dhe strehimores „Shtëpia e sigurve, më sili në Gjakovë deshta të i bëj disa pyetje. OJQ-ja që udhëheq me shtëpinë e sigurve që sa kohë funksionon kjo shtëpi, a ka pasur klientë në këtë shtëpi nga Komuna e Rahovecit, a kemi pasur raste deri me tash në komunën tonë të jenë viktimat të dhunës familjare, dhunës në baza gjinore, të trafikimit të qenieve njerëzore sepse mendoj se ndoshta me këtë memorandum mos po ju paraprijmë këtyre dukurive negative edhe pse pjesëmarrja vjetore financiare është 2500 euro që nuk është ndonjë shumë e madhe për komunën e Rahovecit por nëse nuk kemi këso raste me këto mjete kemi mundur të punojmë diçka tjetër, nëse do të ndikonte në mirëqenien e qytetarëve tanë.

Munib Durguti – Faleminderit kryesues, përshëndetje për të gjithë, desha të ndërlidhem në diskutim rreth kësaj pike, tani po me bien me dhanë disa sqarime meqenëse këtu mungojnë disa sqarime bazike, kjo shtëpi e sigurve ka qenë në përkujdesje të Ministrisë së Mirëqenies sociale dhe ekziston tash e disa deca. Në vazhdimësi Komuna jonë ka pasur klientë që janë trajtuar në këtë shtëpi mirëpo në të kaluarën nuk ka qenë kërkesë për mjete financiare meqenëse Ministria i ka mbulua të gjitha shpenzimet d.m.th. prej vitit 2011 me sa e di unë ka filluar decentralizimi i këtyre shtëpive rezidenciale edhe paraqitet nevoja për mbulimin e këtyre shpenzimeve. Unë e mbështes këtë propozim, besoj që kjo shumë i përgjigjet kërkesave dhe nevojave por do të kërkoja prej komunës që të kërkojë një raport vjetorë prej shtëpisë së sigurt lidhur me klientët të komunës tonë që strehohen në atë strehimore, në mënyrë që atëherë kur nuk kemi banor të komunës tone atje të mos paguajmë mjete kot dhe varësisht prej nevojës kjo shumë të rritet sipas kërkesës së tyre për shpenzimet të nevojshme aty.

Fatmir Iska – Po besoj që Floridës veç i ka dhënë përgjigje Munibi, edhe kjo është mirë pra raporti financiar është në marrëveshje dhe i cakton data aty 20 dhe 31 Janari edhe kjo mundet me figurua në marrëveshje raporti vjetor mbi bazën e njerëzve të Komunës tonë që trajtohen atje, identiteti i tyre e dinë të gjithë se si është kjo punë, mundet me u përfshijë edhe kjo atëherë ne po e regjistrujmë në procesverbal dhe këtë pikë e qesim në marrëveshje dhe gjithçka është në rregull.

Kryesuesi – Faleminderit nënkryetar, e qesim në votim pikën e gjashtë të rendit të ditës. Konstatohet se unanimisht aprovohet pika e gjashtë e rendit të ditës. Kalojmë në pikën e shtatë të rendit të ditës:

7. Shqyrtimi i planit të Prokurimit për vitin 2020.

Fatmir Iska – Faleminderit kryesues, Planin e prokurimit këtu e kemi sjellë edhe mbi bazën e planit të punës se kuvendit të cilën e kemi paraparë qoftë në Janar apo në shkurt, meqenëse zyrtari i Prokurimit nuk është i pranishëm me arsye dhe po e prezantoj unë, meqenëse nuk ka diçka pasi janë të prezantuara punët që kryhen

kontratat për furnizim, shërbim e për punë që të gjitha janë të specifikuar me data, mund të ketë lëvizje të datave në shpallje të prokurimit, krejt kjo lidhet me punën e hartuesve të projektit, nuk është statike kjo mirëpo për momentin kjo është planë me të cilin ne mendojmë, unë nuk kam diçka tjetër me shtua pos asaj që ju mund të shihni ne detaje për të gjitha punët sipas këtij plani të prokurimit për vitin 2020.

Rasim Fazliu – Faleminderit kryesues, falënderoj nënkryetarin për sqarimet e kësaj pike, ndoshta u deshtë me qenë i pranishëm Zyrtari i Prokurimit për çështje profesionale, por sidoqoftë ne jemi të gjithë këtu dhe do t'i sqarojmë disa gjëra. Unë e pash këtu në disa ku bëhet përkthimi i kontratave, i kemi dhjetë kontrata dhe në çastin kur po flasim ka kaluar data e atyre kontratave kur ka pas me fillua prokurimi për ato kontrata, edhe deshta të sqarohem për ato kontrata meqenëse ka kaluar koha tani kur po flasim, a u bo prokurimi meqenëse u supozua se ka fillua prokurimi pra me këtë datë do të bëhet fillimi i prokurimit. Pastaj kemi gjatë hartimit të planit të prokurimit deshta me pyet se a është marrë parasysh lista e investimeve kapitale për vitin 2020 apo buxhetin që e kemi planifikuar apo e kemi miratuar për vitin 2020 pra e miratuar në Kuvendin e Komunës tonë dhe shumat që kanë qenë të parapara aty në buxhete për vitin 2020 për ato projekte në përgjithësi. Kemi rastin konkret p.sh. furnizimi me gypa PVC kodi 48189, Planifikimi i mjeteve në buxhet për vitin 2020 ka qenë 13025 euro, këtu tash te planifikimi i prokurimit për vitin 2020 për furnizim me këta gypa PVC, vlera e parashikuar e kontratës është 46 755 euro pastaj kemi 47865 Stalla dhe ferma të vogla për fermerë, ne buxhetin e vitit 2020 janë paraparë 60 000 euro që e kemi aprovuar ndërsa këtu në planifikimin e prokurimit kemi 80.000 euro pra 20.000 euro më shumë. Deshta me dit që prokurimi a e merr parasysh buxhetin që e kemi miratuar ne në Kuvend dhe me shkua në harmoni për shumat e caktuara se do të shkojnë për projektin në përgjithësi apo edhe mundet me bo lëvizje apo edhe me ndryshua në këtë raste jashtë buxhetit që ne e kemi miratua në këtë Kuvend. Pastaj deshta me bo një pyetje tjetër, mbikëqyrja e investimeve kapitale që po shkruan që në planin e prokurimit është 80.000 euro, a kanë qenë këto të parapara për buxhetin e vitit 2020, se mesa më kujtohet mua nuk e kam hasur gjatë shqyrtimit të buxhetit këtë shume prej 80.000 eurove që e kemi pasur për mbikëqyrjen e punimeve gjegjësisht investimeve kapitale, e këtu në planifikimin e prokurimit ka dalë që është 80.000 euro. Pastaj te kontrata dezisektimi, dezinfektimi dhe deratizimi, në buxhet nuk po më kujtohet se a ka pasur mjete të planifikuara për buxhetin e vitit 2020 kurse tani është paraparë shuma aq sa është paraparë që unë jam për këtë projekt pasi nuk bën pa këtë por vetëm dua të di se a ka harmoni në mes planifikimit të prokurimit edhe buxhetit që e kemi miratua për vitin 2020. Faleminderit

Fehmi Cena – Faleminderit kryesues, kur jemi te planifikimi i prokurimit për vitin 2020 kam edhe unë një ndërhyrje aty, tek faqja 4 DDD (dezisektimi,dezinfektimi,deratizimi) që thotë vazhdim shuma 30 000 euro por afati i parashikuar për fillimin e prokurimit është 6 prill. Mendoj që është shume vonë pasi duhet të filloj më herët për shkak të procedurave si shkojnë pasi në DDD përfshihet gjithashtu edhe për qellim të mbyttjes së rriqrave që komuna jonë duhet ta ketë parasysh këtë sepse është vend endemik pasi për me pas rëndësi DDD-ja edhe për rriqra atëherë duhet të kryhet me shpejt sepse nëse pak shkaktohen vonesa faktikisht edhe nëse behet DDD-ja do të bëhet e vonese atëherë kur nuk e ka edhe efektin e vet, ju kujtoj që vitin e kaluar ka dështuar pikërisht për këtë qëllim. Rriqrat tek ne fillojnë të shfaqen pra pickimi i tyre në prill, maj edhe në fillim të qershorit pastaj në muajt e verës nuk ka rriqra kështu që kjo duhet të kryhet më herët edhe unë kërkoj që procedura të filloj me herët në mënyrë që mos të dështoj projekti ose të mos bëhet kot. Tjetër mungojnë furnizimet për shëndetësi pasi nuk po e shoh furnizimet për shëndetësi, unë e bazoj këtë që po e them pasi ndodh ndonjëherë furnizimet në shëndetësi të vonohen p.sh. për reagenca, laborator, filma për rentgen dhe pastaj me javë ndonjëherë po ndodh edhe me muaj që të mos kemi reagenca të mjaftueshme edhe të kemi probleme me ofrimin e shërbimeve të caktuara shëndetësore pra këto ishin vërejtjet e mia. Faleminderit

Besa Bytyqi – Faleminderit kryesues, në planin e prokurimit parashihet që sigurimi i automjeteve zyrtare do të thotë gjithë komunës është në vlerë 11 000 euro, vitin e kaluar ka qenë në vlerë 12 000 euro, e kemi

parasysh se tani janë rrit çmimet e sigurimeve do të thotë edhe çmimet e sigurimeve të veturave të komunës rriten. Unë do të pyes kryetarin meqenëse zyrtari i prokurimit nuk qenka prezent, së si është bërë planifikimi, përderisa tani janë shtrenjtua çmimet mirëpo çmimi është me i lirë se sa vitin e kaluar. Faleminderit

Afrim Limani – unë do të mundohem të jap disa nga përgjigjet të cilat u ngritën këtu, siç e tha edhe nënkryetari plani i prokurimit nuk mund të realizohet saktë 100% p.sh. kompania projektuese nuk ka arritur që në afat të caktuar të përgatit projektin edhe në fakt realisht ai projekt dështon në raport me planin e prokurimit mirëpo është edhe një arsye tjetër p.sh. vitin aktual fiskal që jemi tani, ne kemi marr një urdhëresë nga Ministria e Financave sepse nuk mundemi me iniciua asnjë procedurë të prokurimit pa u miratuar buxheti në nivele qendrorë, pra edhe kjo është një arsye mundet me dështua plani i prokurimit. Po ashtu mësuesi Rasim Fazliu bëri disa pyetje sa i përket të metave, për projektet e reja të cilat janë me planifikim të buxhetit tonë ato dihet sepse se pari duhet me u iniciua procedurat edhe me u lidhë me kontratë, ajo çka e the ti për projektet të cilat u lidhë kontrata edhe janë në proces të vazhimit, po supozojmë një projekt me një vlerë të parashikuar që ka qenë 50 000 euro mirëpo na buxhete kemi ndaje varësisht mundësive buxhetore tona që i kemi, pra mund të ndodhe që i kemi ndaje 50 000 që e kemi mbuluar saktë atë projekt mirëpo krejt kjo varet vlera e projektit që e kemi. Pra kjo është arsyeja që plani i prokurimit mund të ndodhe që nuk mund të realizohet saktë 100%,nëse ju kam ngelur diçka jam i gatshëm të ju përgjigjem edhe në mënyre interaktiv. Po ashtu edhe Besa Bytyqi ka ngritur një çështje rreth sigurimeve, në varësisht se çmimi ka me qenë më i lartë n krahasim me vlera tjera pasi vlera e sigurimeve u rritë dikun 26% që kjo e kap edhe komunën tonë, tash konkretisht nuk po e di se a kemi kontratë dy vjeçare apo një vjeçare por sido që të jetë i vjen afati edhe asaj kontrate kur skadon edhe ne duhet me ndërtua edhe një kontratë të re.

Kryesuesi – Faleminderit drejtor për të gjitha sqarimet, lus edhe asamblastët tjerë që janë jashtë që të jenë prezentë në sallë. Kalojmë në piken e tetë të rendit të ditës:

8. Shqyrtimi dhe aprovimi i plotësim ndryshimit të vendimit të datës 16.02.2018 për themelimin e Këshillit Komunal për siguri në Bashkësi.

Te nderuar kuvendarë, duhet të bëhet plotësim ndryshimi i emrit tek anëtarët e këshillit komunal për bashkësi apo KKSB pra duhet të zëvendësohet emri i ish komandantit Osman Ismaili i cili tashme aktualisht nuk është komandant i stacionit policor ne Rahovec dhe të zëvendësohet me emrin e komandantit aktual z.Fazli Morina. Pra vetëm këtë plotësim ndryshim duhet të bëjmë tek vendimi. E qesim në votim pikën e tetë të rendit të ditës. Konstatoj se unanimisht aprovohet pika e tetë e rendit të ditës. Kalojmë në pikën e nënte të rendit të ditës:

9. Shqyrtimi dhe aprovimi i propozim vendimit për vënien në debat publikë Drafte Rregullores për Taksa Komunale.

Te nderuar kolegë kuvendarë, sot e kemi vetëm për daljen në debat publik të draft rregullores komunale.

Isak Hoti – Faleminderit kryesues, përshëndetje kryetar,nënkryetar,kryesues,delegatë gjithë ju të pranishëm. Atëherë pas kërkesave të shumta për rregulloren taksa,tarifa,ngarkesa edhe gjoba që ka qenë më herët për ndryshim dhe plotësim, kemi ardhë në përfundim se me ndryshua komplet rregulloren për taksa komunale. Ministria e Financave realisht kolegji i zyrtareve ligjorë ka bërë një punëtori për hartimin e rregulloreve unike për të gjitha komunat në Republikën e Kosovës, këtu ka marr pjese edhe Ministria e Financave me të cilët ka qit edhe taksat. Nuk do të ketë taska,tarifa,ngarkesa edhe gjoba qysh e kemi pasur me herët në rregulloret tjera për shkak të terminologjisë që e kanë nxjerrë edhe kanë thënë se kjo është rregullore për taksa komunale pa i përfshire pjesë të tjera. Gjjobat janë të përcaktuara në ligjin për kundërvajtje dhe tash kemi mundësi ne me bërë. Tarifë dhe taksë sipas tyre po del që është në gjuhë të huaj çështja tarifë, pra për këtë kanë ardhë në përfundim që kjo të jetë veç rregullore për taksa komunale edhe realisht ashtu është.

Bazën ligjore kjo rregullore e ka te ligji për vetëqeverisje lokale edhe te ligji për financat publike te pushtetit lokal. Në këtë rregullore përfshihet taksat komunale për leje për ushtrimin e veprimtarisë afariste, për shoqëri tregtare, taksë komunale për ushtrimin e shërbimeve profesionale nga shoqëritë tregtare që kërkojnë leje për

veprimtari, taksë për automjete për persona fizik që janë banorë të komunës dhe shoqëri tregtare, taksë administrative komunale për shërbime që ofrojnë personave përfshirë këtu inspektimet e ndërtimeve në komfor kostos së ofrimeve të shërbimeve, taksa për leje të ndërtimit dhe rrënimin të ndërtesave dhe struktura tjera të bazuara madhësinë e sipërfaqes, taksë për parkimin e mjeteve në pronësi të komunës, taksë për shfrytëzimin e pronës komunale për rekreacion dhe çështje tjera, taksë për gjueti etj. Pra aty ku e shihni se janë taksë, janë taksa që i kanë paraparë në secilën rubrikë(tabelë) e keni njëjtë pra është takse që e ka vendos Ministria e Financave, por nuk do të thotë që është ashtu dhe mundet me mbet qashtu sepse për taksat tona vendosim ne si kuvendë, pra ju jeni kompetentë për me lirua ,për me i rritë apo edhe me i heqë krejt, pra janë taksa që përcaktohen nga kuvendet komunale ndërsa kur shkruan ekzistuese që vende vende keni exit për shkak të hapësirës që kaniherë kishim probleme pra ekzistuese janë taksat që kanë qenë edhe ne rregulloren e vjetër. Ka edhe propozime, aty ku është prop.,që vende vende ka propozim p.sh. tek shërbimet stomatologjike te niveli parësor p.sh. vizita e par stomatologjike te mjeku ka qenë 1 euro edhe mbushja e përhershme me kompezi ka qenë 5 euro dhe propozimi është që të bëhet 3 euro pra thjesht me i lirua pak qytetaret. Kjo rregullore nuk është përfundimtare, sot e merr vetëm pëlqimin nga ju për me dal në debat publik, unë besoj që do të kthehet ne afat optimal për miratim, pastaj kësaj rregullore ku prape do të kemi mundësi me bisedua edhe me pae a është gjithçka në rregull. Te preambula nuk e kemi kompletua ende pasi na ka marr shumë kohë pasi është njëra prej rregulloreve që don vëmendje me të madhe edhe ndoshta jemi vonuar në kohë por sinjerisht nuk kemi pas qare, pasi kemi punuar edhe deri në orët e vona deri sa kemi mundur me kompletua. Për çdo paqartësi rreth kësaj rregullore, ne jemi këtu. Faleminderit

Rasim Fazliu – Faleminderit kryesues, fillimisht e falënderoj zyrtarin ligjor që na dha sqarime rreth draft rregullores për taksa komunale, unë deshta me u fokusua ne disa çështje këtu, përpara se kjo me dal ne debat publik, është mirë në kuvend me i dhanë disa sugjerime, vërejtje tona që mendojmë sigurisht nëse janë të arsyeshme, konkretisht unë po du të ndalem ndoshta mund të i quaj lëshime teknike që janë bërë, p.sh. shkojmë faqe 5, që na shpjegoj zyrtari ligjor që rubrika e parë është propozim i Ministrisë ndërsa e dyta është ekzistuese por edhe propozimi për deklaratë për mbajtës të familjes 10 euro edhe kjo shkruan ekzistuese, unë mendoj që duhet me largua këtë ekzistuese pasi që është në anën tjetër ekzistuese, si lëshim pasi në debat publik në të del ashtu si duhet pastaj ne faqe 6,tabela 25 procesverbal i atësisë dhe amësisë, ekzistuese 10 euro kurse tani propozimin e kanë qitë 5 euro po ashtu edhe në tabelën 26 të ndërrohet vendi në mënyre që në debate publikë të del ashtu siç duhet dokumenti. Pastaj shkojmë faqe 9, nuk dua të komentoj shume por është mirë te shërbimet stomatologjike tek niveli parësor, mua me erdhi mirë që ka pak ulje të çmimeve pasi është në dobi të qytetareve pastaj faqe 11,kemi ngritje çmimesh enorme në një far mënyre krahasuar me ato qysh kanë qenë, tash edhe vetë e thatë se kjo ka me dal në debate publikë dhe tek ne fund ka me ardhë në kuvendë me u miratua atëherë do të japim kontribute me të madhe por unë kisha me bo një krahasim sikur një njëri me pas temperaturën 20 grad edhe menjëherë me qitë me një temperature -20 grad, pra edhe tek ulja dhe ngritja e çmimeve është mirë me shkua pak si me arsye e jo kështu në mënyre drastike që me u bërë ndryshime të fuqishme sepse ne jemi dëshmitare të asaj që qytetaret e komunës se Rahovecit por edhe të Kosovës, sa i përket ndryshimit të të hyrave pra të të ardhurave personale që i kanë në përgjithësi është që ka ndodhë ndonjë ndryshim i madhe dhe tash ne po dojmë me i ngritë taksat siç ka propozua Ministria, pasi Ministria gjegjësisht Qeveria duhet se pari me na ngritë pagat njëherë dhe pastaj komfor ngritjes pagave me shkua edhe te ngritja e taksave pasi edhe taksat shfrytëzohen për qytetaret e komunës se Rahovecit, nuk është se do i marrim për vete kështu që thjesht këtë rregullore nuk kam pasur kohë të mjaftueshme pasi na ka ardhë shume me vonesë me shqyrtua dhe me analizua në mënyrë të detajuar por këto janë disa vërejtje që unë i kam parë edhe që po i jap edhe përmirësohen për me dalë në debate publikë me qytetarë, kur vie koha në Kuvend për miratim do të provojmë me dhanë kontributin tonë që duhet. Faleminderit shume

Fehmi Hoxha – Faleminderit shume kryesues, përshëndetje për juve dhe gjithë të pranishmit. Sinqerisht është një punë shume e madhe pasi e di edhe prej përvojës më herët kur isha pjesë e ekzekutivit që të hartohet një rregullore kështu që e përgëzoj shefin e zyrës ligjore me ekipin e vet edhe gjithë ata që kanë kontribuu. Kjo do të del në debat publik mirëpo me rëndësi është shume që kur të del në debat publik ti ketë edhe disa vërejtje tona si kuvendarë para se me dalë. Po kaloj tek 19,faqe 12 çmimi fillestar i dhënies se pronës komunale në shfrytëzim ankand publik pra ajo shkon përmes ankandit publik, pika 1 dhënia e pronës së paluajtshme në shfrytëzim lokale,afariste,zona e parë, çmimi fillestar ka qenë 2 euro kurse tani është propozua këtu që të jetë 4 euro si çmimi bazë. Kolege të nderuar, Kryetar, ne e dimë se në çfarë pozite i kemi edhe bizneset e vogla që kryesisht janë zanatlinjtë që i kemi janë lokalet në rrugën Avdullah Bugari kryesisht edhe behet fjalë tek numër 4,tek palestra sportive pra është shumë kjo edhe nuk është mirë me dal 100% rritja e çmimit fillestar. Sinqerisht unë konsideroj se do ta marrin shume keq të gjithë qytetaret pasi edhe ashtu janë duke u mbyllur këto biznese që mezi po arrin me pagua dikush qiranë edhe kemi emigrim shumë të madhe azilkërkues apo ne forma tjera të cilët kërkojnë një jetë me te mirë se pëmime nuk jemi aq shumë të pasur edhe si shtet edhe si komunë, kështu që unë ju kisha lutur që në debate publikë kjo me dal ashtu siç ka qenë 2 euro e mos të shkon me 4 euro pasi që ankandi publik e përcakton konkurrencën që me vonë mund të bën rritje p.sh. tash tek palestra sportive, kjo pjesë ka stadiumi që janë ato lokale ,ishalla i merr dikush edhe me 2 euro që sinqerisht është e pamundur se nuk është e frekuentume, kështu që propozoj që pika 1 dhe 4 të kthehet në gjendjen e mëparshme në bazë të rregullores se kaluar që ka qenë që çmimi fillestar 2 euro e masandej ankandi le ta përcakton fituesin pasi nuk është mirë 100% me shkua ne rritje sepse kjo keq do të reflektohet te qytetaret. Po kalojmë në faqe 17, hoteleve akomodimi e ngjashme që ka qenë 150 euro kurse tash është propozimi 200 euro, akomodime tjera 300 euro, pra ka qenë 100 kurse tani është bërë 300 euro, Po ashtu faqe 17,kodi 6910 aktivitete ligjore (të shikohet nëse janë lirua në kuvendë) pasi vitin e kaluar nuk ka filluar së zbatuari hiq, vendimi i kuvendit duhet të zbatohet do të thotë 6910 duhet të largohet se bëhet përsëritja, së një vendim kuvendi e ka marr për lirim pasi këto janë aktivitete ligjore(avokatë) pra është marrë vendimi, pastaj 1610 është vendimi i kuvendit komunal mos e qitni përsëri pra kjo duhet të largohet dhe mos të shkoj në debate publik. Po kalojmë tek drejtorja e Urbanizmit,taska komunale për leje ndërtimore pra këtu mirë që nuk është ndryshuar por janë disa pika këtu. Taksa komunale për leje ndërtimore në bazë të ligjit kjo bëhet duke e hartuar tabelarin e shpenzimeve në bazë të metrave katror,të pre supozuar për një vite ose dy vite, do të thotë kjo është e harmonizuar me ligje edhe ka kaluar në kuvendë në kohën e qeverisë kur unë isha drejtor i urbanizmit mirëpo diçka nuk e kam të qartë tek vërtetim urbanistik, lloji i destinimit të tokës, industrial 100 euro dhe vërtetim urbanistik. Nuk ka me ligje vërtetim urbanistik, këtu mundet me u bazue në token të cilën e shfrytëzon agjencioni pyjor i Kosoves edhe bën një kërkesë, nuk ka të drejtë me lëshua drejtorja e urbanizmit vërtetim urbanistik dhe as pëlqim. Mund ta bëj një njoftim në bazë të planit zhvillimor komunal, vetëm njoftim pra as pëlqim nuk mundet me dhanë dhe as vërtetima ,vërtetimi urbanistik nuk ekziston, jepet njoftim në bazë të PZHK-së qoftë ekzistuese qoftë PZHK-në e re që presim me u miratua, do të thotë kjo bien në kundërshtim me ligjin pasi nuk ka vërtetim urbanistik dhe po dua me ju ndihmua në këtë pjesë,ju analizoni edhe niher,shiqoni ligjin. Këto ishin disa nga vërejtjet e mia që konsideroj që para se me shkue ne debat publik, dua të kthehet taksa jo 4 euro për çmimin fillestar por 2 euro për metër katror, kjo e aktiviteteve ligjore të largohet pasi e kemi larguar me vendim të kuvendit tel sivjet duhet me hije në zbatim pasi dikun ne muajin shtator e kemi marr këtë vendim edhe për këtë analizoni dhe konsultoni ligjin rreth ligjit të ndërtimit sepse vërtetim urbanistik nuk ka. Faleminderit shume

Rexhep Oruqi – Faleminderit kryesues, përshëndetje për ju,kryetarin,kolegë asamblistë dhe gjithë ju të pranishëm. Unë e kam lexuar me vëmendje këtë propozim rregullore dhe në shumicën e rasteve është shume e qëlluar dhe gjithëpërfshirëse, po flas për kategoritë tjera që i shfrytëzojnë lirimet nga pagesa dhe janë

paraparë goxha shumë kategori të strukturave të ndryshme edhe është për ta përshëndetur këtë. Unë do të ndalem në nenin 8, faqe 6 ku shkruan decidivisht lirimet nga pagesa e taksës për lëshimin e certifikatave dhe dokumenteve zyrtare pastaj sipas pikave unë do të ndalem në pikën 1.9 ku përfshihen pensionistet të cilët janë të liruar por nuk është paraparë askundë një kategori e veçantë e invalidëve civilë, që ka ndodh rasti që u mbete pa një gjymtyrë të trupit, në këto struktura i kemi të përfshira në shoqatën e pensionistëve pra janë me defekte të ndryshme mirëpo asnjëherë nuk janë përfshirë në këtë kategori prandaj propozoj pika 1.9, pensionista, shoqata, sindikata e pensionisteve pra dëshmia libreza e anëtarësisë, të shtohet edhe pensionistë invalidor apo pensioniste të parakohshëm apo invalid civilë pra nga këto kategori të përfshihet njëra që do të përfshinte të gjithë ata, se me të vërtetë janë në një pozitë të pa lakmueshme kjo kategori, sepse ka njerëz me vetëm njërin sy dhe ky është gjysmë i verbër apo me një këmbë që nuk është invalid i hendikepuar por si gjysmë invalidi. Kisha propozua që të shtohet kjo 1.9 në pensionistë invalidor kurse invaliditetin e tyre e caktojnë eksperta mjekësor, komisione përkatëse, kështu që nuk mundemi ne edhe me dashtë me ja bo dikujt sepse janë ekipe të specializuara që e vlerësojnë gjendjen, pra kjo është sa i përket nenit 8 kurse neni 13, pika 1.9 edhe këtu të shtohet pensionistat invalidor, pasi kemi edhe pensionista të parakohshëm sikurse që pensionohen ish punëtorët e Trepçës me 50 apo 55 vjet edhe u dal në kategorinë e pensionistëve. Pra kemi probleme me këtë kategori me shume në qendrën e mjekësisë familjare në Rahovec sepse ka të tillë që i ka 55 vjet dhe u shkua me njërin sy, pra u deshtë të lirohet edhe kjo kategori prej shërbimeve shëndetësore, pikërisht ajo me ka motivua që para një viti e kam potencua këtë çështje pasi është një kategori e lënë pas dore prej të gjithave pra kjo do të jetë një avancime i qëlluar për këtë kategori. Faleminderit

Fehmi Cena – Faleminderit kryesues, unë kisha kontribuu pak vetëm tek pjesa e shëndetësisë që parashihihen ato taksat, pagesat, bashkpagesat që bëjnë pacientet për shërbimet që i marrin pranë institucioneve tona shëndetësore, do të thotë tek faqja 8 edhe faqja 9 po ashtu edhe në faqe 10, neni 11, ne kemi punuar një grupe profesionistësh shëndetësore bashke me dy drejtorët pra drejtorin e QKMF-së dhe drejtorin komunal të Shëndetësisë, i kemi shikuar mirë këto pagesat, mundeni me vërejt se janë disa ndryshime tek tabela në faqe 8 janë vetëm dy ndryshime në fillim, që të dyja kanë rritje por kemi menduar se janë të arsyeshme pasi ishim kompetent dhe e kemi paraparë të gjitha rrethanat pse duhet të bëhet ky ndryshim ndërsa tek stomatologjia ka me shume ndryshime pra në faqe 9 është stomatologjia që kryesisht i kemi zbritjet e çmimeve edhe këto ne i kemi shqyrtua edhe janë të arsyeshme kështu që këtë po e them që ta din kuvendarët që grupi ka vendosë edhe arsyeshmëria ka qenë prezentë do të thotë se nëse ata mendojnë me kontribuu në ndërkohe se kjo draft rregullore do të jetë në debate publikë për një kohë të gjatë natyrisht që ne do të mendojmë edhe për atë kohë jo vetëm për këto obligime por edhe për tjera që në mbledhjen e fundit se finalizimi sigurisht se do të bëhet në mbledhjen ardhshme të fundit që do ta mbanë kuvendi. Po e shohim se këtu ka edhe disa propozime tjera neper shërbime, biznese, ka disa tarifa, taksa të cilat nuk kanë ekzistua me përpara mirëpo ne sigurisht si kuvendarë do të presim edhe kontributin e qytetareve edhe pastaj do të shohim sa do të jetë ai kontributi i tyre dhe sa do të jetë i arsyeshëm sepse sigurisht ne fund ne jemi ata që do të japim aprovimin final. Faleminderit

Fehmi Hoxha – Sinqerisht kërkoj falje, pasi harrova tek neni 34 pika 1.7 vendosja e mallrave për ekspozim para hapësirave ku ushtrohet veprimtaria ekonomike në sipërfaqe të hapura publike në të cilat nuk pengohet lëvizja e lirë e këmbësoreve për shfrytëzim se paku për 3 muaj, tarifa mujore ekzistuese 2 euro. Të nderuar kuvendarë, unë po ju jap një propozim duke u bazuar edhe në komunat tjera që e kanë ndalua çdo kund vendosjen e mallit ushqimorë pra pemë, perime e mallra ushqimorë. E marrim një shembull të mirë prej komunave tjera edhe e ndalojmë, këtu kemi edhe mjekë, ajo është sëmundje e vërtetë, këtu të shkruhet përpos mallit ushqimorë i cili nuk guxon të ekspozohet në trotuare, aty ku ka hapësirë pra ju propozoj që mallrat ushqimorë të shkojnë si drafte në debat publik pa atë pra të potencohet përpos mallrave ushqimor. Faleminderit

Dervish Çadraku – Faleminderit kryesues, përshëndetje për të gjithë. Më të vërtete edhe unë kam plotë vërejtje mirëpo pasi që kjo vetëm ka me dal në debat publikë, do të kemi kohë pastaj me u marr me këtë punë por ka plotë vërejtje sepse ka një disproporcion, megjithëse janë disa standarde për të cilat këto duhet me u bazua as shume e as pak por megjithatë duhet me gjet një mesatare, në do të hasim tash kur të shkojmë te qytetaret do të hasim në vërejtjet e tyre se ka një shpërputhje bukur të madhe mirëpo unë do të flas me mirë atëherë kur të kthehet nga diskutimi me qytetaret. Faleminderit

Kryetari – Po për fund me siguri e merr fjalën shefi i zyrës ligjore, por me boni përshtypje vërejtjet të cilat i dha z.Fehmi Hoxha te palestra sportive apo të lokalet që potencialisht do të hidhen në ankand publik te palestra sportive. Ne dimë sakte sa është numri i lokaleve dhe ne aty mirëpresim një konkurrencë shumë të madhe për me ardh në shprehje deri te dhënia në shfrytëzim që natyrisht bëhet edhe përmes kuvendit pra përmes komisionit që ne e kemi për ankand. Unë mendoj se aty nuk ka pasur pasi takset janë kon zero dhe tash e kemi vendos 4 euro, nuk mendoj që duhet me shkua me poshtë njëherë, për shkak se janë lokale shume të përshtatshme pavarësisht se pjesa ka është zona e stadiumit, ju e dini se ne kemi një memorandum me Ministrinë e Kulturës, Rinise dhe Sportit për me zhvendos stadiumin kështu që edhe ato munden me qenë tepër të rëndësishme në një plan afatmesëm, dhe po ashtu e kemi edhe një situatë që ne di kund i ulim taksat, dika i i heqim fare, për shkak se kur kemi të bëjmë me biznes por di kund tjetër edhe duhet me i rritë kur kemi të bëjmë me shoqëritë tregtare, banka etj Po ashtu me boni përshtypje edhe propozimi i Rexhep Oruqit që ngriti çështjen e invalidëve parakohshëm sigurisht që është mjaft shqetësuese që janë nen moshën 65 vjeçare ndërsa unë mendoj se si të përmendet fjala invalid ata janë të liruar nga taksat qofshin invalid të punës, të luftës por vetëm tek mosha e daljes në pension para kohë kemi me ndërmarrjen NBI-Rahoveci, Podrima pra kemi këso raste. Këtu ne mundemi me rregullua këtë çështje por mendoj që kush është invalid dhe që ka dëshmi se është invalid edhe kategoritë tjera të veçanta si të verbërit,tetraplegjik, me sindrome te caktuara mendoj se janë të përfshire por nëse ka edhe ndonjë emërtim ose kategori që konsiderohet që nuk ka mundësi me u përfshije do të ishte më mirë që kur të vjen në Kuvend për miratim duhet të mos harrohet se pastaj po kemi probleme sidomos ne QKMF kemi këso situata. Po mendoj që meqenëse është për debat publik, unë e përgëzoj grupin, nuk është që ka punua vetëm shefi i zyrës ligjore por krejt drejtoret e drejtorive, organeve pra gjithë administrata komunale duke përfshirë edhe QKMF-në që e përmendi z.Cena,kanë qenë ekipe që kanë punuar bukur gjatë edhe përpjekja ka qenë me u harmonizua me rregulloren unike që ka qenë përpjekje edhe e asociacionit të komunave të-Koosves por njëkohësisht edhe Ministrisë së Financave. Këto daljet ne ankande publike Fehmi është e vërtet që e rrisin vlerën por sidoqoftë duhet ta kemi parasysh që mos ta ulim çmimin qysh në fillim, sidomos për disa pozicione që janë të forta siç është palestra apo ndonjë objekt i rëndësishë së veçantë për shkak se ekziston mundësia secili me konkurrue edhe ne duhet me mbajte një lloje kriteri të fortë për me dëshmua se ka vlere qeto lokale në qatë objekt me rëndësi bukur të madhe, strategjikë për shkak se është palestra sportive pra në palestër nuk guxojmë me ulë kriterin për shkak se ala se kemi nis edhe mendoj se vet rritet çmimi i konkurruesve por sidoqoftë ne duhet me i dhanë vlerë pak më shumë ndoshta edhe me rregullore. Është një ekip i gjerë që ka punua, ka vërejtje, pune dhe gabime teknike ka, mendoj që formën e plotë ka me marr përmes vërejtjeve,propozimeve,ideve qoftë në debat publik apo në kuvend të komunës dhe sapo të miratohet neve na kish zgjidhe shume probleme sepse ka disa paqartësi që u përmenden me herët, munden me u korrigjua gjate procesit që e kemi para vetes debati ne kuvend dhe pastaj edhe miratimi në kuvend të komunës.

Isak Hoti – Me herët e përmendi Fehmi Hoxha se fjala është për agjencionet ose pronat të cilat i menaxhon një agjencion tjetër. Rastet e mëdha i kemi pasur siç e dini edhe vet në kohën keni qenë edhe ju drejtor e kemi diskutuar këtë çështje edhe jemi dakorduar se po e lëshojm një vërtetim urbanistik me çka tregojmë se ajo pjesë sipas planit zhvillimorë komunal për çka është e destinuar, në qoftë se është zonë industriale janë të

përcaktuar pastaj kriteret çka do të bëhet aty por në qoftëse është tokë bujqësore ai nuk duhet me bo një veprimtari tjetër sepse ne i themi me planin zhvillimore komunal p.sh. është tokë bujqësore dhe destinimi është grurë, drithë. Pra pikërisht për këtë e kemi lanë si term vërtetim urbanistik dhe deri me tani e kemi lëshuar pa asnjë centë. Po ashtu edhe një çështje që u diskutua të çështja e rritjeve e taksave ne qendrën për punë sociale pra janë dy kategori që janë rritë nga 5 në 20 euro. Pastaj çështja e zotësisë së veprimit të armët është çështje luksi është konsiderua edhe e kanë bërë 20 euro dhe ajo nxirret një herë në 5 vjet. Edhe te bujqësia është pak më lirë është më lirë do të thotë është 10 euro, pra këto dyja janë diskutuar shumë gjatë edhe ne grupin punues është ardhë ne përfundim po ashtu edhe te humbja e shtetësisë pasi nxirret veç një herë. Po ashtu e diskutuam edhe çështjen të 1.7 për ekspozimin e mallrave, atë në fund do ta qesim me vërejtje që të 1.7 e citojmë përpos mallrave ushqimore dhe çka lidhet me ushqim.

Kryesuesi – Faleminderit z. Hoti, atëherë të nderuar kuvendarë meqë nuk kemi të tjerë të lajmëruar qesim në votim pikën e nëntë të rendit të ditës. Konstatoj se unanimisht aprovet pika e nëntë e rendit të ditës. Kalojmë në pikën e dhjetë të rendit të ditës:

10. Raporti vjetor i Komandantit të Stacionit Policor për vitin 2019-Rahovec.

Komandanti Fazli Morina – Faleminderit kryesues, i nderuar kryetar i Komunës, të nderuar të gjithë të pranishmit në sallë. Unë do të i qasem menjëherë raportit përmbledhës në kuadër të stacionit policor në Rahovec. Sa i përket situatës së përgjithshme të sigurisë në Komunën e Rahovecit gjatë vitit 2019, mund të konstatojmë dhe është vlerësuar se ka qenë një vit i qetë dhe stabil në mbarë zonën e përgjegjësisë edhe përkundër rasteve nga më të ndryshmet që kanë ndodhur, raportuar, iniciuar dhe hetuar gjatë vitit që lamë pas. Do të përpiqem të bëj një përmbledhje në pika të shkurta edhe pse raporti vjetor është shumë i gjatë dhe i gjerë, me shumë aktivitete mirëpo ne kemi nxjerrë gjërat më thelbësore që kemi paraparë që vlen për ti prezantuar në Kuvendë. Raporti përmbledhës punës vjetore të stacionit policor në Rahovec për vitin 2019 dhe objektivat për vitin 2020. Rastet e iniciuara pranë stacionit policor në Rahovec gjatë vitit 2019 duke përfshirë veprat penale dhe incidentet. Gjatë vitit 2019 në stacionin policor në Rahovec janë iniciuar gjithsej 547 raste, nga to 24 raste janë të adresuara në drejtorinë rajonale të policisë në Gjakovë apo në drejtorinë e përgjithshme të policisë në Prishtinë varësisht nga njësitet e specializuara të cilave ju ka takuar. Duke përfshirë këtu 426 vepra penale dhe 121 incidente. Veprat penale sipas të dhënave nga sektori i hetimeve të stacionit të policisë në Rahovec gjatë vitit 2019 pra siç e cekem më lartë, janë 547 raste, nga to 24 janë të transferuara për vazhdim të hetimeve në njësitet e specializuara. Gjatë vitit 2019 janë iniciuar 213 vepra penale kundër pasurisë ndërsa sa i përket vjedhjeve të rënda krahasuar me vitin 2018 janë iniciuar 95 raste kurse për vitin që lamë pas pra 2019 ishin 69 raste që do të thotë se është një rënie prej 27.37% më pak. Gjatë vitit 2019 kanë shënuar ngritje veprat penale siç janë kanosjet, ngacmimet, sulmet ndërsa lëndimet e lehta dhe të rënda trupore kanë shënuar rënie. Gjatë kësaj periudhe është regjistruar një rast vrasje për fatin e keq në komunën tonë dhe gjatë kësaj periudhe pikërisht ë fshatin Çifllak ndërsa statistikisht tregojnë se zbulueshmëria e veprave penale për vitin 2019 është dikur rreth 58.6% deri me tani ndërsa mbetet të punohet dhe të vazhdohet me tutje në hetimin dhe zbulimin e kryesve të këtyre veprave. Incidentet sipas statistikave tregojnë se gjatë vitit 2019 në stacionin policor në Rahovec janë iniciuar gjithsej 121 incidente ndërsa gjatë vitit 2018 kanë gjithsej 150 incidente. Gjithmonë duke u bazuar në statistikisht tregojnë se zbulueshmëria e aksidenteve për këtë vit ka qenë rreth 96.3% tek incidentet pothuajse gati 100%. Sipas klasifikimit tek incidentet prishje të rendit dhe qetësisë publike 2018 kemi pasur 23 kurse për vitin 2019 ishin 11 pra 52% ka rënie, Vetëvrasje në vitin 2018 kanë qenë 4 raste kurse për vitin e kaluar nuk kemi pasur asnjë rast, Tentim vrasje për vitin 2018 ishin 9 raste kurse për vitin 2019 kanë qenë 3 pra 66.67% ka rënie, aksidentet me dëme materiale kanë qenë gjithsej 85 në vitin 2018 ndërsa në vitin 2019 ishin 77 raste pra 18.95 rënie, të tjera 23 me 22 dhe gjithsej incidente dhe aksidente 150 në vitin 2018 kurse për vitin 2019 ishin 121 pra 19.33% rënie. Të dhënat rreth aktiviteteve operative të realizuara pranë stacionit policor në Rahovec, planet operative që janë realizua gjatë vitit 2019

janë rrjeta sezon verore dhe ajo dimërorë, java e sigurisë në trofikë, shtimi i masave të sigurisë rreth objekteve shkollore, shtimi i masave të sigurisë ndaj akteve terroriste, gadishmeria vepruese, stop droga në shkolla dhe stop fajdeve duke përfshirë edhe planë tjera. Plane operative nga stacioni dhe njësitë tjera policore gjate vitit 2018 kanë qenë 96 raste ndërsa në vitin 2019 ka pasur një angazhim më të madh dhe plane të përpiluara me shume 135 apo 39 me shume. Protesta gjate vitit 2018 kanë qenë 4 kurse për vitin 2019 ishte vetëm 1, asistimi në gjykata kanë qenë 6 në vitin 2018 kurse për vitin 2019 ishin 9, asistime KED-si për vitin 2018 ishin 5 kurse për vitin 2019 ishin 2 raste, asistimet AKP-se dhe përmbaruesit privat për vitin 2018 kanë qenë vetëm 1 rast kurse për vitin 2019 ishin 36 raste, për çka edhe unë nuk pajtohem me këtë mirëpo është vendosur nga lartë ashtu ,patrullimet me veturë kanë qenë 1252, patrullime në këmbë 816, pika e kontrollit të automjeteve 2055, armë të konfiskuara për vitin 2018 kanë qenë 26 kurse për 2019 ishin 20 dhe municioni i konfiskuar 292 në cope 54 për vitin 2019 Arrestime sipas autorizimeve të regjistruar janë 149 për vitin 2018 ku 58 prej të cilëve kanë qenë në mbajtje deri 48 ore ndërsa gjate vitit 2019 si autorizimeve gjithashtu janë arrestuar 189 persona ku 97 prej tyre kanë kaluar në mbajtje për 48 orë në dhomat e mbajtjes pran stacionit policor në Rahovec. Ka pasur vizita në vendbanime të banuara të komunitetit serbë në lagjen e epërme të qytetit të Rahovecit, ne fshatin Hoçë e Madhe dhe ne Zoqisht ku gjate vitit 2019 kanë regjistruar gjithsej 47 vizita me mbi 11500 vizita nga vendet të ndryshme qoftë brenda shtetit dhe nga shtetet tjera të cilat në rrethana të ndryshme kanë vizituar këto lokacione. Ndër të tjera gjatë vitit 2019 stacioni policor në Rahovec i përfaqësuar nga Komandanti apo i deleguari i tij ka marr pjesë në 7 takime të KKSB-së, gjithashtu gjate vitit 2019 kemi pasur 8 raste të përdorimit të forcës, 6 ankesa të qytetareve dhe 9 raste të hetuar në nivel lokal. Masat e ngritura disiplinore të ngritura në kuadër të këtij stacioni është një suspendim i përkohshëm të një zyrtari, një vërejtje me shkrim, një vërejtje me gojë dhe 10 të tjera të hetuara të shpallur të pafajshme. Prioritet dhe planifikim për vitin 2020, situata e sigurisë në zona të përgjegjësive të stacionit policor në Rahovec do të realizohet përmes aktiviteteve kryesore policore si identifikimi i dukurive negative, informatat inteligjente, planet përkatëse operative, marrja e masave të sigurisë në shkolla dhe siguri në trafikë, planifikimi i ngjarjeve karakteristike për periudha të caktuara, realizimi i punëve sipas metodologjisë së re të punës përmes aktiviteteve siç janë bashkëpunimi me qytetaret, me institucionet tjera, organizatat të ndryshme, pjesëmarrja në takime dhe forume të sigurisë, realizimi i punës sektoriale, parandalimi i luftimit dhe rënia e krimit dhe dukurive tjera negative, performanca e personelit të punës sipas rregullave dhe procedurave në fuqi përmes trajnimeve të brendshme, inspektimet të rregullta të punës dhe takimeve të rregullta me stafin. Si fund për këtë vitë kemi të bëjmë me projektin e kamerave të sigurisë që ja vlen për ta cekur që ka shume arsye, pas shume kërkesave të shumta që kemi bërë ne në kuadër stacionit policor në Rahovec se bashku me menaxhmentin gjithashtu në bashkëpunim dhe përkrahje të Kryetarit të kuvendit komunal në Rahovec dhe drejtorisë së shërbimeve publike kemi arrite që të përfitojmë një donacion i cili është në fazat e para të implementimit dhe se shume shpejt do të realizohet dhe do të vihet në funksion. Në këtë projekt janë të përfshirë qyteti i Rahovecit në tërësi, Hoça e Madhe dhe udhëkryqi me rëndësi të veçantë në fshatin Xerxë dhe disa lokacione shtesë brenda apo periferi të fshatit. Në kuadër të gjithë kësaj që u përmende ne si stacion policor do të angazhohemi me gjithë kapacitetin që posedojmë dhe në mbështetje nga DRP-të dhe njësitë tjera të specializume që posedojmë duke ndërmarrë veprime shtesë në ngritjen e masave të sigurisë me qëllim që të ofrojmë qytetareve një ambient të qetë dhe të sigurt për një jetë normale në zonën tonë të përgjegjësive në komunën e Rahovecit.

Te nderuara dhe të respektuara të pranishëm, i nderuari kryetari i Komunës z. Smajl Latifi dhe gjithë ju që jeni prezentë ju faleminderit për vëmendjen e juaj. Për me shume informata shtesë, statistika numra të rasteve mund të i referoheni raporti të cilin e posedon kuvendi i komunës në Rahovec që gjithashtu në suaza ditore, mujore vjetore pra që të gjitha i raportohen kryetarit të komunës me shkrim.

Kryetari – Unë kam pasur vështirësi anëtarë të Kuvendit, realisht Komandanti i Policisë nuk raporton para Kuvendit, pavarësisht ndonjë tendence pozitive për me ruajt një traditë ose me krijua si traditë. Ne i kemi 7 takime të KKSBB-së që i kemi mbajtur pra Komandanti i stacionit të Policisë nuk raporton as të kryetari i komunës por e njofton çdo 24 orë pra e sjell një njoftim, informate për gjithçka që ka ndodhur e që është e regjistruar në Policinë e Kosovës. Nuk besoj që është koha e përshtatshme për komente sepse tash mund të zgjohet debate në të gjitha ato çka i paraqiti komandanti por sidoqoftë herën tjetër unë i kisha sugjerua komandantit me qenë në përputhje të plotë me ligjin mundet me njoftua kuvendin e komunës në vija të cilat ja lejon zingjiri komandues pra drejtorja rajonale e Policisë për atë sa ka nevojë me u njoftua kuvendi i Komunës direkt. Pra komandanti i stacionit policor nuk raporton në kuvendë të Komunës por le ta njofton herëve tjera kuvendin e Komunës për gjëra që konsiderohen që janë në përputhje me ligjin dhe që janë të dobishme për kuvendin sepse ky raporton edhe në KKSBB, e paraqet raportin pastaj çdo 24 orë unë marr shkresë zyrtare prej stacionit të policisë, prej personave kompetentë edhe kjo është logjika e veprimit të mëtutjeshëm. Unë po dua me njoftua kuvendin edhe me diçka, ne jemi duke shqyrtuar bazën ligjore për me i pezullua ose me i revokua lejet për zgjatje të orarit të lokalet e natës në Xerxë dhe kudo që ndodhen, pasi me se shumti kemi në Xerxë, e kemi marr vendimin në KKSBB ose KKSBB-ja ka rekomandua në këtë drejtim, jemi duke analizuar të kësaj për me rritë sigurinë më tutje edhe masat mbrojtëse për me i eliminua çfarëdo veprimi që bien në kundërshtim me ligjin dhe që cenon në një mënyrë ose tjetër qytetarin tonë. Kemi shume probleme në këto lokalet e natës, e kemi në rregullore që lejohet zgjatja e orarit të punës por tash e tutje duhet me ditë që çka duhet me lejua edhe ku duhet me lejua zgjatjen orarit të punës e ku jo. Natyrisht që ne jemi në përpjekje për me gjete bazën ligjore për me i pezullua sa më shpejt që është e mundur sepse sidomos në udhëkryqet e rëndësishme jo vetëm që ka probleme brenda komunës tonë nga njerëzit e komunës tonë por vinë edhe të komunave tjera edhe bëjnë probleme për të cilat ne disponojmë raporte edhe unë si kryetar komunë për atë sa kam informatë. Besoj që përkrahja e kuvendit të Komunës është e nevojshme në rast se ne do të urdhërojmë që do të marrim vendim për revokimin e lejeve të atyre lokaleve problematike që punojnë me orar të zgjatur. Nuk kemi asnjë interes që mund të marrim me shume se sa tatimi që ka ai biznes 100 apo 200 euro për me rrezikua apo kërcënua jetën e qytetareve tanë por edhe të qytetareve të Republikës së Kosovës. Unë jam i gatshëm që këtë ja kam thënë edhe Komandantit të stacionit të Policisë që me i udhëheq operacioneve të vështira me të gjitha mekanizmat përcjellëse kur dimë se njëherë i kemi pas mbyllur edhe mirë kemi bërë që i kemi mbyllë por kësaj radhe nuk mundem i mbyll por mundem me ja u revokua lejen. Ne jemi komunë e qetë, me njerëz të mirë mirëpo për disa veprimtari të cilat ushtrohen për disa lokale, ne jemi të bindur se janë në kundërshtim edhe me ligjin por edhe cenojnë sigurinë e përgjithshme të qytetareve tanë edhe ka shume probleme në disa prej tyre. Pavarësisht se dikujt kjo prapë nuk i pëlqen sepse janë investime që kanë ndodhur por ne para se me i pëlqye dikujt, ne jemi të obliguar me mbrojtë interesin e përgjithshëm. Pra në këtë kuptim unë do ta kërkoj edhe përkrahjen e kuvendit të komunës jo me ndonjë vendim sepse nuk vendos kuvendi i komunës për këtë punë por do të kërkojë përkrahjen kuvendit të komunës në kuptimin e asaj që ata që e cenojnë sigurinë, ne jemi të gatshëm me i ndërmarrë masat dhe veprimet për tu siguruar bashkërisht që nuk ka veprimtari të paligjshme, nuk ka veprimtari që e cenojnë sigurinë e qytetareve dhe pavarësisht që në rregullore mund të ketë diçka tjetër, ne jemi të interesuar me bo punën tonë. Rekomandimin e KKSBB-se e kemi marrë, unë jam i gatshëm si kryetar i Komunës, besoj që edhe përkrahja e Policisë nuk do të mungojë sepse veç ata i kanë raportet dhe i dinë rrethanat edhe me mirë se na pra unë po kërkoj përkrahje edhe njëherë nga Kuvendi i Komunës që me qenë përkrahës sepse ndonjëherë munden me qenë situata shume të ndjeshme dhe pavarësisht se sa janë të ndjeshme ne duhet me ju dhanë zgjidhje disa problemeve që skanë asnjë interes Komuna jonë që me pas probleme që janë evidente dhe nuk na shërbejnë as neve edhe as atyre që janë pronar të atyre lokaleve.

Rasim Fazliu – Faleminderit kryesues, unë nuk dua të flas asgjë tjetër përpos që deshta të falënderoj Komandantin e stacionit policor në Rahovec z. Fazli Morina për njoftimin që na dha rreth punës dhe aktiviteteve të policisë në Rahovec. Edhe puna e tyre sa me e madhe na jep neve një siguri më të madhe kështu që e falënderoj edhe ju dëshiroj suksese. Faleminderit

Sali Sallteku – Unë ju falënderoj të gjithëve po ashtu edhe komandantin e Policisë për raportin, kryetari i komunës e potencoj shume mirë pasi komandanti i Policisë nuk ka nevojë me raportua në Kuvendë, pasi ka njoftime me kryetarin pasi të gjitha këto që thanë i kemi parë nëpër media edhe i kemi lexuar, edhe kisha sugjerua që kjo të ishte hera e parë edhe fundit që raporton Komandanti në Kuvendë. Faleminderit shume

Aferdita Thaqi – Përshëndetje për të gjithë të pranishmit, kryetar, kryesues gjithashtu edhe komandantin. Në lidhje me këtë pikë, unë kam një shqetësim megjithëse respektin që kam për Policinë e Kosovës dhe rrezikun që kanë gjatë punës se tyre por raporti i Policisë për vitin 2019 me të vërtete është për të ardhë keq, pasi që shërbejnë 11 000 Policë në shërbim të qytetareve dhe asnjë qytetarë nuk është i sigurte në shtëpitë e tyre, pasi hajnat vjedhin aty ku donë dhe sa her të donë dhe asnjë rast nuk zbulohet, vërtet është shqetësuese kjo dhe punë jo korrekte që bëjnë, a po i bien kjo se hajnat janë me të përgatitur se Policia. Faleminderit


Trajko Shariq – Në fillim shfrytëzoj rastin me falënderua komandantin e Policisë për raportin që na ka sjellë këtu, përmendi edhe instalimin e kamerave në Hoçë të Madhe e cila është diçka e mirë dhe vetëm deshta ta përkujtoj atë që të njëjtat ekzistojnë në lagjen e epërme por nuk janë funksionale, pasi janë krye disa punime dhe ato janë shkatërrua dhe janë tërësisht jashtë funksionit. Faleminderit

Besa Bytyqi – Faleminderit kryesues, i nderuar komandant, unë kam një vërejtje në komunën e Rahovecit, kjo gjithmonë duke pasur parasysh që njerëzit pra qytetaret e Rahovecit i parkojnë veturat vend e pavend në trotuare, ne rrugë me rrezikshmëri të lartë sidomos afër shkollave fillore ndërsa ne edhe si banorë të lagjes kemi raportua po ashtu edhe kemi thirrë Policinë në telefon mirëpo asnjëherë nuk kanë ndërmarrë asnjë aksion për lirimin e trotuareve nga veturat. Kërkoj nga komandanti që të ndermirren aksione deri sa qytetaret të vetëdijesohen që ata nuk guxojnë me i lanë veturat aty dhe po rrezikojnë jetën e njerëzve dhe nxënësve.

Kryesuesi – Faleminderit shume nderuara Bytyqi, kolegë të nderuar ju falënderoj të gjithëve për kontributin e dhënë, shihemi në mbledhjen e radhës po ashtu Komandant e falënderojmë për prezencën.

Mbledhja përfundoj në 13:00

01 Nr. 53/2020
Rahovec, 30.03.2020

Procesmbajtësi:

Agim Hoti

